


PN
6267
C5I18
1748
v. 15



歷代名賢齒譜卷八

湘鄉易宗浩公申輯

男昇

祖愉

祖謙

祖本

東校字

八十歲

曲禮八十九曰耄

王制八十常珍

八十杖于朝

八十月告存

八十者齊衰之事弗及也

鄉飲酒禮八十者五

豆

說文八十曰耄爾雅耄老也註八十為耄耄至也年至之也

釋名耄鐵也皮膚變黑色如鐵詩詁耄之言眊過七十則力衰如

日眊故曰耄至八十曰大耄

莊子曰中壽八十

小說八十曰

有秩故以八十為八秩白樂天行開第八秩可以盡天年

宋衡

曰八十為耄秦晉曰鮐言背皮如鮐魚

漢文帝著為令八十以

上賜米酒肉

明洪武詔天下凡八十以上鄉黨稱善貧無產業

者月給米五斗肉五斤酒三斗富者賜爵里

冉有問夫子曰太公勤身苦志八十而遇文王孰與許由之賢夫子曰許

由獨善其身者也太公兼利天下者也

孔叢

朝歌屠叟辭棘津八十

西來釣渭濱寧羞白髮照青水逢時吐氣思經綸廣張三千六百鈞風期暗與文王親

太公八十遇文王世所知者然宋玉楚詞云

太公九十乃顯榮兮誠未遇其匡合東方朔云太公體仁行義七十有二乃見用于文武噫太公老矣方得東方朔減了八歲却被宋玉展了十歲此事真可絕倒

馬永卿懶真子錄

烏獲舉千鈞之重行年八十而求扶持

戰國策

韓平子問叔向曰舌存以其軟齒折以其剛剛與軟孰堅對曰臣年八十矣齒墮而舌尚存

說苑

周景王將鑄無射單穆公不可問之伶州鳩亦諫之王不聽卒鑄大鐘鐘成伶人告蘇王謂伶州鳩曰鐘果和矣對曰未可知也王曰汝老耄矣何知明年王崩鐘不蘇

國語

石碯曰老夫耄矣

左傳

漢岱宗上有金匣玉策能知人壽修短漢武探策十八因倒讀曰八十其後果壽長八十

風俗通

保德真君謂李鑄曰汝年及八十別無修鍊之功未免掩形升魂亦貴有所主掌耳且曰人間官職張守真不及汝天上名位汝不及守真也王欽若保德真君傳

公孫弘八十歲為丞相封平津侯丞相封侯自弘始時上方興功業弘于是開東閣以延賢人與參謀議編年考

辟疆漢之宗室八十歲昭帝拜為光祿大夫守長樂衛尉編年考

趙克國年八十朝廷有四夷大議邊節重事嘗藉其商籌漢志

郭伋字細侯武陵人歷漁陽潁川并州太守有卓異聲年八十乞歸賜宅一區及帷帳錢穀克其家伋散予九族漢志

李克字大遜延平中詔舉隱士徵克為博士後年八十以為國三老賜以

几杖類書纂要

趙嘉年八十為太傅繼母在堂口不言老東觀錄

胡廣寓荊荆有菊潭水廣飲之年八十心力猶壯繼母在堂朝夕膳省傍無几杖口不言老母卒居喪盡禮三年鍊觀六老圖載廣字伯始孝

廉爲天下第一遷尚書僕射爲太傅時年八十諺曰萬事不理問伯始
天下中庸有胡公

劉寵字榮祖遷會稽太守徵入爲將作大匠若耶山中有五六老公年皆
七八十聞寵遷相率共送寵人齎百錢寵勞之爲選受一大錢故寵在
會稽號爲一錢司馬彪續漢書

漢初入仕者不限年如劉向陳咸以八十爲郎劉辟疆八十爲衛尉卿公
孫弘八十爲相貢禹八十遷御史大夫王鑒震澤長語

徐廣年八十歲誦五經一遍每開卷必束帶盥濯危坐對之編年考

折象字伯式廣漢人通京氏易好黃老言知世將亂散家貲財周施親疎
年八十日召賓客九族聚飲預爲辭決編年考

朱暉字文季張林上均輸奏暉諫切責暉等皆自繫獄三日赦出之暉曰
行年八十蒙恩得在機密當以死報若心知不可而順旨雷同負臣子
之義遂閉口不復言後帝意解寢其事後漢書

陳蕃復說竇武曰蕃以八十之年欲爲將軍除害今可且因日食斥罷宦

官以塞天變後漢書

管寧行年八十志無衰倦環堵華門并日而食吟咏詩書不改其樂金聲

玉色久而彌彰三國志

呂岱年八十討亂破賊廖式張承與岱書曰足下上馬輒自超乘不由跨

躡如此足下過廉頗淵鑑類函

向朗字巨達少以吏能稱為巴西牂牁房陵太守潛心典籍年八十手自

校書刊定謬誤講論古義開門接賓誘納後進蜀志

胡昭字孔明天真高潔老而彌篤傳子曰胡徵君怡怡無不愛也雖僕隸

必加禮也外同乎俗內秉純潔心非其好王公不能屈年八十而不能

倦於書籍者吾於胡徵君見之矣胡質謂昭曰吾欲溺鄉里耳昭曰

君且止年將八十不能老為君溺攢也三國志

管輅遇一道人偕子携酒隨道人入息臺山共飲之道人因取籍檢視云

子壽止十八遂筆改曰八十其後子年果八十文苑

陳瓊雅有德量晉太始初錄用故漢名臣子孫晉主聞其名以問文立對

曰臣至知其人但年垂八十秉性謙退無復當時之望故不以上聞耳

璦聞之曰廣休

位字

可謂不黨矣此吾所以善夫人也

晉史

荀攸亡後十六年鍾繇乃卒攸奇策亦又何難而年造八十猶云未就

遂使攸從征機策之謀不傳於世惜哉

裴松之三國志

山濤告退疏臣年垂八十救命旦夕若有毫末之益豈遺力於聖時廼以

老髦不復任事今四海休息天下思化從而靜之百姓自正當崇風尚

教以敦之耳

漢文歸

沈麟士字雲禎家素藏書籍倏遭火焚毀數千卷麟年八十手自錄補約

數千篋

南史

袁粲字景倩嘗爲潤州刺史郡南民家有竹粲微服造竹所清詠移時主

人乃出不知爲刺史也八十歲宋高祖以爲左監門大將軍尊高年也

詔自非殿廷皆乘蜀馬論者榮之

編年考

宋纖字令艾年八十篤學不倦酒泉太守馬笈造焉纖高樓重閣拒而不

見笈銘詩於石曰丹崖百丈青壁萬尋奇木蒼鬱蔚若鄧林其人如玉

爲國之楨室邇人遐實勞我心

世說

沈慶之字弘先及加三望車謂人曰我每游履田園時與馬成三無人則與馬成二今乘此車安所之乎及賜几杖並固讓柳元景顏師伯詣之會其游田元景等鳴笳列卒蒲道慶之獨與左右一人在田見之悄然改容曰吾舉諸公並出貧賤因時際會榮歸至此惟當共思損益之事老子八十之年目見成敗者已多諸君炫此車服何爲乎於是持杖而耘不爲之顧元景等徹侍寒裳從之慶之乃相與對爲歡謔

沈慶之年八十爲廢帝所殺是歲旦慶之夢人以兩匹絹與之曰此絹足度寤

曰老子今年不免矣兩匹八十尺也足度無盈餘果死

事文類聚

尉元字苟仁元魏累遷尚書令進位司徒元謝老詔曰尉元以八十之年宜處三老之位游明根以七十之齡可充五更之選

山堂肆考

傅永字修期年八十爲南兗刺史猶能騎射繫馬奮稍帝曰上馬能擊賊下馬能作露布惟傳修期耳

文苑

李方玄字景業第進士江西府判官有大獄十餘囚方玄刺審其冤悉手

貸之爲池州牧吏

雲篋七鑑

隋開皇時釋澄空年甫二十誓欲於晉陽汾西鑄鐵像高七十尺鳩集金炭細求用度周二十年物方乃辦於是告遐邇通大集賢愚選日寫像及啟爐之後其像無成澄空深自咎責稽首識悔復堅前約精勤艱苦再謀鑄造又二十年復如前不成於是呼天求哀貶挫勤勵又二十年功力復集及期乃登爐巔揚聲謂觀者曰吾少發誓願鑄大佛今已八十兩已不成此更違心則吾無身以終志矣如踵前失則吾亦無面目見衆善地吾今俟啟爐欲於金液捨命焉倘大像圓滿後五十年吾當爲建重閣耳萬衆號泣諫止澄空揮手辭謝投身如飛鳥而入焉及開爐鐵莊嚴毫髮皆脩自是并州之人咸思起閣以覆之而佛身洪大功用極廣無自而致開元初李嵩克天平節度使施七萬緡周歲之內而閣成只今北都謂之平等閣者計僧死像成之日至嵩正五十年以佛法推之則嵩也豈非澄空之後身歟

薛用弱集異記

順慶府小方山有水道士何志飲此水八十歲面如桃紅古詩雲夜落山

谷脉與崑崙通云何山中叟八十面桃紅

彙苑詳註

徐謩字成伯丹陽人善醫藥至青州爲慕容白曜獲送京師獻文欲驗其能置病人於幕中使謩隔幕而視脉深得病形兼知色候遂被寵遇歷任侍御師謩常有藥餌及吞服道符年垂八十鬢髮不白

嵩山志

周隱逸洞庭山道士學大陰鍊形死於崖窟中囑弟子曰檢視我尸勿令他物相干六年後夏生當以衣裳迎我弟子守視初甚臭穢蟲蠹壞惟五臟不變如言閉護之至期往視身已全起坐弟子脩湯沐以新衣迎歸鬢鬢而黑麓而直若猷鬣焉十六年又死如前夏七年復生如是三度已四十餘年且八十歲狀貌如三十許人隋煬帝召問修習之道曰臣所修者匹夫之事功不及物帝王一言之利萬國蒙福得道之効速於神人臣之所學非萬乘所宜問也復求歸山詔遂其所適仙傳拾遺東海徐則隱居天台大極真人徐君降之曰汝年出八十當爲王者師然後得道晉王楊廣聞其名則謂門人曰吾年八十來召我徐君之言信矣遂詣揚州

樵

按處州府志作梁武北史亦作晉王略有異同

唐玄宗賜八十鳩杖婦人亦如之類書纂要

裴矩字弘太年八十精明不忘多識故事見重於時宋初唐書

唐開元間道士呂翁嘗息於邯鄲遇少年盧生自嘆貧困時主人方炊黃

粱以枕授生曰枕吾枕當令子榮適如意生枕之夢自枕竅中入至其

家娶崔氏女甚明麗明年舉進士歷官至中書今年八十及寤顧翁在

傍主人炊黃粱猶未熟謝曰此先生所以室吾慾也後人爲立祠邯鄲志

裴譔爲盧州刺史有房觀來謁裴敬禮之且對客曰某開元中遇房安禹

善相人言陸倕佳李揆崔器皆驗謂某此後歷踐清要然無將相年至

八十且曰君後二十八年當從正郎爲江南郡守某明年當生一子後

合爲所守郡一官君至三日當令奉謁然此子命薄不可厚祿願假俸

十千已下此即安禹子也前定錄

賈言忠曰高麗秘記云不及九百年當有八十大將滅之高氏自漢有國

今九百年勳年八十矣歲仍薦饑狼狐入城斨穴於門人心危駭是行

不再舉矣果收五部百七十六城戶六十九萬詔勳便道獻俘昭陵亂

而遺金

李源父澄苑祿山難以父死賊不仕不娶絕酒暈惠林佛祠澄舊墅也源
依祠居闔戶曰一食祠殿其先寢每過必趨自營墓爲終制時時偃卧
塹中長慶初年八十矣御史中丞李德裕表薦之穆宗下詔曰源有曾
參之行巢父之操泊然無營汔此高年以源守諫議大夫賜緋衣魚袋
帝自遣使者持詔書袍笏又賜絹二百匹源頓首受詔謂使者伏疾年
老不堪趨拜即附表謝辭吐哀慙一無受

唐書

元結宿洞溪翁宅詩長松萬株遶茅舍怪石寒泉近崖下老翁八十猶能
行將領兒孫行拾橡吾羨老翁居處幽吾愛老翁無所求

全唐詩

嚴綬位躋上公年至大耋前後統臨三鎮皆號雄藩所辟士親覩爲將相
者凡九十人其貴壽如此

舊唐書

張師錫侍郎年八十喜子登第詩御榜今朝至見名心始安爾能俱中第
吾遂可休官賀客流連飲家書反覆看世科雖不繼得慰二親難

事文類聚

李希烈反德宗使顏真卿宣慰之至許與朱滔等四使共宴四使曰都統

將軍稱大號而太師適至是天以宰相賜都統也真卿叱曰汝知罵祿
山而死者顏杲卿乎乃吾兄也吾年八十知守節而死豈受汝曹誘脇
乎綱鑑張薦疏曰真卿逮事四朝為國元老忠直孝友羽儀王室行年
八十被羸老之疾拘囚環堵之間顧盼鉤戟之下請將希烈母及妻祖
母三人寘境上贖真卿疏奏盧杞持之不報唐書

僧彥範姓劉雖為沙門早究儒學邑人號為劉九經顏真卿韓晉公劉真
州穆監寧獨孤常州皆與之善執經受業者數十年八十猶精強僧
行不虧因話錄

施肩吾謂山中叟詩老人今年八十幾口中零落殘牙齒天陰偃僂帶嗽
行猶向崖前種松子全唐詩

元稹思歸樂君看趙工部八十肢體輕稹有趙昌八十餘三擁大將應工部或即昌也交州二十

戰始對長安城長安不須更復作交州行交州又累歲移鎮值江陵歸

朝新天子濟濟為上卿肌膚無瘡色飲食康且寧長慶集

白居易贈康叟八十秦翁老不歸南賓太守乞寒衣再三憐汝非他意天

寶遺民見漸稀

長慶集

大中十一年元日上御含元殿受朝太子太師盧鈞年八十矣自樂懸之南步而及殿墀稱賀上前聲容朗緩舉朝咨嘆十二年元日受賀太子少師柳公權年亦八十矣復爲百官首含元殿廷曼遠自樂懸南步至殿下力已綿憊稱賀之後上尊號聖敬文思和武光孝皇帝公權誤曰光武和孝皇帝御史彈出之罰一季俸料七十致仕舊典也公權不能克尊典禮老而受辱人多惜之

裴廷裕東觀奏記

張祐題靈隱寺一上人詩八十空門子深山土木骸片衣閑白衲單食老

長齋道性真能遣人情少不乖朗吟揮竹拂高揖曳芒鞋

全唐詩

張祐勸飲酒燒得硫黃漫學仙未勝長負酒家錢寶常不喫齊推樂

一作

邨在人間八十年

全唐詩

古詩夜看聖燈紅齒齒曉驚飛石碧琅玕更無鸚鵡因緣塔八十山僧試

說看

類書纂要

古詩弟子老髯年八十養生世世受遺方

淵鑑類函

許渾題靈山寺行禪師院西崖一徑不通樵八十持盃未覺遙龍卧石潭

聞夜雨雁移沙浦見秋潮經函露濕文多暗香印風吹字半銷應笑東歸又南去越山無路水迢迢

唐詩英華

李涉贈龍泉洞塵上人八十山僧眼未昏獨尋流水到窮源自言共得龍

神語擬作茅庵住洞門

唐詩選

齊己贈劉五經詩掃葉雪霜濕讀書唇齒乾群經通講解八十尚輕安全

唐詩

王逢原思歸賦吾父八十母髮亦素尚爾爲吏憂然遐路嗷嗷晨烏其子

反哺我豈不如鬱其誰訴切切余懷欲辭卽綬

事文類聚

孫逖旣遷中書舍人是時父嘉之且八十爲令逖求降外官增父秩帝嘉

納拜嘉之宋州司馬聽致仕

唐書

蘓尚書八十猶叅禪大瀉以手拍破金面棋盤尚書尋悟

雲仙雜記

李遜爲池州刺史拘撿戶籍所以差量徭賦者皆有科品張程吏不得私

嘗曰沈約年八十手寫簿書蓋謂此云

唐書

許懷德字師古均子善騎射爲東西班殿侍以戰功累遷殿前都指揮使年八十猶生子筋力過人卒贈侍中謚榮毅萬姓統譜

吳尚書葛孝儒年八十乃誕元雲笈七籤

裴暉字司東官至禮部尚書放三榜四人拜相桑維翰實正固張礪馬裔孫也清泰二年喬孫知貢舉繼放榜謝恩卽同諸生詣座主裴公宅謁拜裴示詩曰宦途最是重文衡天與愚夫著盛名三主禮闈年八十門生門下見門生郡閣雅言

刁光胤者天福年入蜀工畫湖石花竹鳥雀性情高潔交游不雜有問筆法者黃筌孔嵩親授其訣孔類升堂黃得入室刁公居蜀三十餘年筆無暫暇非病不休非老不息年至八十名畫錄

至道九老太常少卿李運年八十容齋隨筆

張士遜請老就拜太傅進封鄧國公致仕宰相致仕自士遜始也就第十年而薨年八十士遜歸老號退傅范仲淹適守鄧州士遜還鄉里仲淹置酒肉會明日士遜復置會揮金甚盛時人榮之輟齋又張鄧公晚

春出遊抵暮入閨闈兵持門牌請書官位公書一絕云八十衰翁無
秩也曾三到鳳池來大千生鑑

呂夷簡詩靜名庵下靈巘路峻壁層崖倚半空我愛老僧年八十一生常

在翠屏中類書纂集

宋咸平中郡有張太守年八十尚無子仁愛入民士民旦夕禱祝逾年侍
妾舉一子盡郡之人懽呼傳誦太守作詩云八十老翁生一哇笑殺長
沙十萬家果是老夫真血脈他年仍舊鎮長沙越三十餘年其子果來
宜長沙郡人士交相慶喜長沙府志

宋重範景德間進士知潭州有惠政後掛冠歸趙抃贈詩曰休官鎮浮俗
不冠同年恬養八十歲苦吟三百篇萬姓統譜

汪穀字次元皇祐進士歷官俱有異政晚年致仕恩轉通直郎子孫取科
第五世榮盛享年八十萬姓統譜

禪僧警玄年八十嘆無可繼者遂作偈并皮履布置綴寄浮山遠禪師使
求法器偈曰楊廣山頭草憑君待價寧異翻茁茂處深密固靈根偈尾

云得法者潛衆十年方可闡揚遠拜而受之遂贊師像曰黑狗爛銀蹄
黑象崑崙騎於斯二無礙木馬火中嘶宋仁宗天聖五年師辭衆示寂
楚通志

李安仁善化人母四十忽雙瞽安仁每夕焚香告天三年忽復漸明家貧
好施隣里子弟動色相戒勉以詩書督子若孫皆成令名年及八十人
稱爲地神仙云 長沙府志

許俞邇從子少喪母事父以孝聞父年八十謂俞曰見汝登科吾滅無恨

大中祥符五年登第授潯陽從事父乃卒 萬姓統譜

陳文惠堯佐以使相致仕年八十有詩云青雲岐路遊將遍白髮光陰得
最多 貢父詩話

杜正獻公自少清羸四十鬢髮盡白歐公素出其門公謝事居宋歐適來
爲守相與甚歡公時年八十憂國之意每見于色歐公和詩有貌先年
老因憂國事與心違始乞身公得之大喜嘗曰諷誦 石林詩話

富弼致仕年八十上䟽論治亂知無不言 懌 劉器之云富弼公年八十

書座屏云守口如瓶防意如城 晁氏客話

趙槩字叔平虞城人布衣時曾居山陽後以少師致仕年八十束裝載舟復遊於淮飾孝先生有趙少師詩序 淮安府志

范仲淹和胡使君書事詩都督再臨橫海鎮集仙遙輟內朝班清風又振

東南美好夢多親咫尺顏坐嘯樓臺臨皓月行春鼓吹入青山太平天

子尊者舊八王祥未放閒 范文正公集

胡則字子正官潯州人有虎患公齋戒禱城隍祠翌朝得死虎於廟中其誠之效歟知廣州公以家君八十歲懇辭於政府乃復有制置之行 魏正公集

劉渙字凝之劉恕父也棄令穎陰築室南康迄至於今春秋八十懷寶陸

沉軸谷

又云劉公中剛而外和忍窮如鐵石其所不顧萬夫不能回

其首也家居四十年不談時務年八十而耳目聰明行不扶持蓋不得

於彼而得於此也 廬山志

喬問學道年八十益壯坡詩曰結茅松山啖松腴炯然蓮花去泥塗爾來

八十胸垂胡上山如飛嗔人扶坡集

蘓子瞻哭刁景純詩讀書想前輩每恨生不早紛紛少年場猶將見此老
此老如松栢不受霜雪槁別時公八十後會知難保 又瞻道觀詩山
行漸覺鳥聲殊漸近神仙簡寂居門外長溪容淨足山腰苦筍助盤蔬
喬松定有藏丹處古石仍存拜斗餘弟子蒼顏年八十養生世世授遺
書東坡集

周貫白號木雁子治平熙寧間往來西山人問其壽答曰八十西山作酒
仙麻鞋踏斷布衣穿相逢甲子君休問太極光陰不計年 大千生鑑
張子野居錢塘以樂府馳名年八十猶能飲酒半斛爲韻語至老不衰
志

閔魯以進士起家盡力於官歷守兩州爲尙書郎年八十歸老錢塘陳襄
作鴻飛詩送之八子皆舉進士 萬姓統譜

王君貺白二十有七歲居洛至八十歲位至宣徽二府盡其財力而終身
宅不成 畫墁錄

范純仁和微之以足疾不赴西湖賞雪年來遇景強追攀長恐身衰與易

闌八十康寧天下少四并聚會古爲難又謝微之見贈當時早重朋

僚契晚歲重敦道義親華交已慙無德稱琳宮彌羨最閒身相過無情

頻歡醉八十康寧有幾人

范忠宣公集

范純仁和張伯常詩高陽簪屐成陳跡西洛衣冠散舊遊獨有地仙年八

十逍遙林下笑公侯

范忠宣公集

文潞公致仕歸洛入對時年八十矣神宗見其年力康強問卿攝生有道

乎潞公對曰無他臣但能隨意自適不以外物傷和氣不敢做過當事

上以爲名言蘇軾范純仁詩曰太師還政異尋常前殿鋪張冊禮忙

入對誰知年八十身輕舞舞謝吾皇

忠宣公集

司馬光與兄伯康友愛尤篤康年八十公事之如父保之若嬰兒每食少

頃則問曰得母飢乎天少冷則拊其背曰得母薄乎

小學

李斯立居東山靈仙觀善丹爐嘗從蘓軾黃山谷遊年八十詩思不凡如
崖溜連雲凍溪梅帶雪香有意峯巒千嶂出無名花草百般香皆佳句

也至斯立去後至今名仙人洞有泉迸出不竭歲可浸田百餘畝安慶志

黃山谷別兄元明詩曰霜鬚八十期同老酌我仙人九醞觴本集

黃庭堅白雲詩兒五十餘親八十可堪來宿白雲庵駢字類編

至和丙申睢陽五老太子太師致仕祁國公杜衍八十歲禮部侍郎致仕

王渙九十歲司農卿致仕畢世長九十四歲兵部郎中致仕朱貫八十

八歲駕部郎中致仕馮平八十八歲傳文類聚錢明逸留鑰為之圖像

而序之雜識杜衍詩曰五人四百有餘歲俱稱分曹與掛冠天地至

仁難補報林泉幽致許盤桓花朝月夕隨時樂雪髯霜髯滿坐寒若也

睢陽為成事何妨列向畫圖看歐陽修謝借觀五老詩云脫遊軒冕

就安閑笑傲邱園縱倒冠白髮憂民雖種種丹心許國尚桓桓冥鴻得

路高難慕松老無風韻自寒聞說優游多唱和新篇何惜畫圖看事類聚

徐仲車先生和路明奉新居十五首願公八十為更老玉幣三徵乃就車

節孝詩集

楊龜山先生行年八十志氣未衰精力少年殆不能及至若裁決危疑綜

理世務若燭照數計而龜卜也

性理會通

周益公以太傅退休其兄乘成先生以將作監丞退休年皆八十詩酒相娛者終其身

鶴林玉露

周益公以宰相退休楊誠齋以秘書監退休實爲吾邦二大老益公訪誠齋留詩唱和好事者繪爲圖誠齋題云平叔曾過魏秀才何如老子致元台蒼松白石青苔徑也不傳呼宰相來後誠齋先生家嗣東山先生伯子端平初屢辭召命以集英殿修撰致仕家居年八十雲巢曾無疑益公門人也年尤高携茶袖詩訪伯子詩云褰衣不待履霜回到得如今亦樂哉洸潁有時供戲劇軒裳無用任塵埃眉頭猶自懷千恨興到何如酒一杯知道華山方睡覺打門聊伴茗奴來伯子和云雪丹不肯半途回直到荒林意盛哉籬菊包時披宿霧木樨香裡絕塵埃錦心繡口垂金薤月露天漿貯玉杯八十仙翁能許健片雲得得出巢來其風咏庶可亞前二老云

鶴林玉露

石公轍字道叟初遊太學同舍生朱熹行寢疾無親黨公轍爲謁醫治療

既不起家人傍徨而公轍已送柩在門矣公轍舟行冒暑目眚幾失明忽夢爇行如生平曰目眚有爾朱先生藥如神覺而異之至京有言爾朱先生者公轍因訪得藥服之目遂如初登紹興二年特奏狀元後年八十手自校書燈下作蠅頭細楷人謂真報云

紹興府志

文忠烈公居洛有丙午同甲會詩今執政府凡三位樞密使王季海叅政錢師魏在焉前歲夏必大忝忝預連牆而居適然齊年時號丙午坊次文公韻簡二公文公八十會依川盛事於今有百年豈意蒼顏華髮叟亦陪黃閣紫樞仙府居未至容連棟班路前瞻愧比肩丁丙連于支合德君臣慶會豈虛傳

周益公詩鈔

冷世光字賓王與弟世修世南同入太學號三冷與世修同登紹興進士官御史號冷面御史引年致仕作閒適堂優游里社泊如也年八十終

朝奉大夫

蘄州府志

賀升卿年垂八十以書寄平園新咏二十二篇尙有訪戴之興謹次醉後一章韻爲謝文與年高豈樂天字隨心正亦公權吟詩作賦晴窓裡問

柳尋花野水邊喜我新巢三徑就勞君舊句一時編雪丹有興休同棹
共載期追李郭仙

益公平園續稿

淳熙二年二月桑子河堰東莊園紫牡丹無種自生過者競觀有貴人欲
分移之掘見石如劍題云此花瓊島飛來種只許人間老眼看遂不敢
移以是鄉老生旦至花時必往宴爲壽或有造花而凋謝者不吉惟一
人李嵩三月八日初度自八十看花至百九歲而終

如臯志

王十朋寄書與二叔二弟八十高年林下老四千餘里夢中家雲安雙鯉
隨春水爲我傳書到永嘉又王十朋靈巖訪長老敏行羅室訪維摩

一庵僅容膝尋僧畫屏中徃徃多八十又送傳興化五馬躬親八十
親甘棠如舊治維新歡傳此日來廉范記得當時借寇恂

王忠文公集

錢君望鄉勞夢思陳君奮筆爲寫之山脚盤迴到石門桑榆深映數家村

高堂老人年八十皓首童顏瞳點漆柴門拄杖望兒還坐聽庭鳥心若

失同上

郭道卿莆田人高祖義重至孝宋紹興間詔旌之鄉里爲立孝子祠至元

初盜起道卿與弟佐卿獨守孝子祠不去俱見執盜將殺其弟道卿引頸受刃盜曰汝孝門兄弟若此吾何忍害之兩釋之道卿年八十子廷煒辭官歸侍養父嘗病危廷煒憂瘁扶護一夕髮盡白至大中詔旌其門曰世守孝義弘簡錄

史浩淳熙乙巳掛冠歸四明年登八十女兒年八十二四弟皆高年同氣至親舉觴相屬朱顏華髮咸壽而康繪爲六老圖號淳熙六老樓叅政爲之序山堂肆考

周必大三月三日時值清明會客江樓共觀並蒂魏紫偶成二小詩上巳清明共一時魏花開處亦連枝前身應是唐宮女猶記昭容雙袖垂莫思樂事年年減且喜春光日日開兄弟相看俱八十研朱贏得祝嬰孩趙通判云朱書入十字于襍裾是領上欲其年如此

陸放翁詩今年寒到江鄉早未及中秋見雁飛八十老翁頑似鐵三更風雨採菱歸又初歸雜咏雪蒲魚簑雨墊巾超然無處不清真胸中那可有一事天下固應無兩人駐馬每行秋棧路喚船還渡暮江津酒樓

僧壁留詩徧八十年來自在身

劔南集

胡文定公與宰相書曰龍圖閣直學士致仕楊時造養深遠燭理甚明混迹同塵知之者鮮行年八十志氣未衰精力少年殆不能及上方留意儒學延禮此老置之經席朝夕咨訪裨益必多至於裁決危疑經理世務可助忠謀淵源龜卜又可助相府之忠謀也

淵源錄

曾雲巢年八十嚙明不衰小楷駕六經家有小樓日登覽不倦諸監司常薦遺逸戴復古贈詩云八十雲巢老諸公舊典型心情古井水輩行曉天星身健登高閣眼明書六經常聞薦遺逸何以報朝廷

石屏集

黃度字文叔託己爲喻言臣父年垂八十菽水不親動經歲月事親如此何爲移孝爲忠與以感悟上心不聽

宋書

陸游野飯詩薏實炊明珠苦筍饌白玉輪囷斲區芋芳芋采山蕲山深少鹽醯淡薄至味足往往八十翁登山遂奔鹿

劔南詩

陸游飯牛歌勿言牛老行苦遲我年八十耕猶力牛能生犢我有孫世世相從老故園人生得飽萬事足捨牛相齊何足言

劔南詩鈔

陸游歲暮貧甚戲作年開八十寧賒死官及三司不救貧

駢字類編

魯和應字賢叔上猶人隱居梅嶺之陰清苦好吟八十不倦黃秋崖謂其

得性情之正趙青山諸老多有品題

西江志

莫道人者容州人問之亦不言歲數父老有八九十者言白小已見其丰

姿容貌不異于昔精力甚健登山如飛嘗遊飛雲頂有虎侍傍達旦而

去理宗末年猶存

廣西通志

趙汝能以宗室舉進士壽八十官朝請大夫清心寡慾甘粗糲若寒士蒞

官廉平遇事剛決有仁者之勇

嘉興府志

翁卷送東園約公聞君年八十退院久清閒白雪髭慵剃青松戶早閑取

泉來煮茗與客話遊山弟子何僧是緇衣多往還

葦碧軒詩

宋理宗朝捍禦淮蜀者皆范葵麾下之將及范葵年八十而衛國之志益

堅

宋史

宋斌袁州人少從黃幹李燾登朱熹之門學禁方嚴年且八十矣臨安尹

趙與權延之事如父奏乞用旌禮布衣故事不報墜西湖與權歲一祭

焉通志

戴復古懶不作書急口令寄朝士老病懶作書行藏詩上見一心不相忘
千里如對面我已八十翁此身寧久絆諸君才傑出玉石自有辨隨才
供任使小大脩衆選明君用良弼治道方一變與之致太平朝廷還舊
觀石屏詩

虛堂智愚禪師在淨慈入院日問答忽天使踵門傳旨問趙州因甚八十
行脚虛堂因甚八十住山師舉趙州行脚到臨濟話頌曰趙州八十方
行脚虛堂八十再住山別有一機恢佛祖九重城裡動龍顏使以頌奏
上大悅賜米五百石絹一百縑開堂安衆武林梵志

蔣汝通字享伯晚得一官高尚不仕以琴詩圖史自娛嘗著質疑以祛干
支五行配合之誤年登八袞積勤不已所著有引睡集藏於家萬姓譜

楚州勝因院有曹仁熙畫水有一筆長一丈八尺無接續處仁熙年八十

時作劉跋暇日記

卓彥恭嘗過洞庭月下有小漁舟過其旁問有魚否應曰無魚有詩卓喜

曰願聞一篇可乎其人鼓枻高吟曰八十滄洲一老翁蘆花江上水連空世間多少乘除事良夜月明收釣筒

夷堅志

彭澤省號龜峰領宋甲子薦邑宦皆以老成禮之峴宵性不嗜酒詩文窺韓杜門庭嗜學不倦年八旬舉武如趨張廉使問以筋力何以健答曰寡慾張頷之萬姓統譜

文天祥壽朱約山八十詩翠袖瓊樓八十翁平安曉字看孤鴻五湖閑裡添彭祖南極光中灼祝融日日青山醉春色年年黃菊飽西風鷹揚但願無施處臣老婆婆一鉤蓬

文山集

丹樞陳先生辟穀不粒時年七八旬方瞳漆髮其顏猶童未知何許人終日凝神不語不寢動與常人異所附身僅一破衲一旦在于武夷五曲之間吟悔翁先生詩山高雲氣深之句於是誅茅伐竹經營一窩名曰雲窩

白玉蟾雲窩道院記

商挺被繫得釋帝問中丞董文用曰商挺年今幾何對曰八十帝其惜其老而嘆其康強

元史

許謙字益之翠微亭故址詩梵宇崢嶸枕石頭倚風極目立荒邱衲僧八十仍多病收淚殷勤說故疾

自雲先生集

郭鈺道逢八十翁八十老翁行步奔存亡其訴斷愁覓千金歌舞隨流水六載干戈戀故園晚竈燎衣籬竹盡春牛換米草蓑存情知青史無名姓短策猶期報國恩

思軒集

陳剛字公潛文倣西京詩法晉魏屢試不第曰吾才學豈不逮古人不遇

命也父母皆年八十孝養備至教授生徒講席嘗滿人稱潛齋先生

通志

宋无字子虛年八十被褐飯蔬步履如飛家所藏書悉分授生平故交惟

存手抄三蘓文著有翠寒吟鑾靄延諸集吳興陳必經宿號能文恒資

前哲王光庵議論爲益一日陳謁王不值見案一編私視之宋子虛吟

鑾集也退而求得之他日舉其中一二爲言王驚曰若何已得吾底蘊

耶盖光庵平素藉之以爲奇談者惟此

五朝善鳴集

王磐廣平永年人日本之役師行有期磐入諫帝震怒且曰此在吾國法言者不赦汝豈有他心而然也盤對曰臣赤心爲國故敢以言今臣年

八十況無子嗣他心猶可爲耶年至九十二卒之多有大星墜於正寢之東斃又磐論許衡曰吾年八十閱人多矣平生力學不知聖道之所在非夫語幾失此人

魯齋集

竇默字漢卿至元十二年默年八十公卿皆往祝帝曰此輩賢者安得請於上帝留與朕共治天下惜今老矣悵然良久既老不視事帝數遣中使以珍玩及諸器物使存問焉

元史

揭傒斯集賢太學士趙國公王開府慶八十應制位望躋三少權衡俯百司羽觴春侍宴玉座夜觀基九卿看綵服八袞表龐眉皇封中使出玉食上養移秋宜集

曹伯啟字士開碭山人至元中薦除興州教授累侍御安引年歸鄉人賢之表所居爲曹公里天曆初起僂拜陝西行臺喟然曰吾年且八十尙忘知止之戒乎辭疾不起天下高之

漢泉漢稿

仇遠字仁近錢塘人咸淳間名士宋亡落魄江湖工詩有山村集錢惟善輓詩云詩窮八十年江海正凄然玉塵風生頰青山雪滿巔門牆張籍

俊墓表孟郊賢出處人皆識哀歌徹九泉

西湖志

柳貫遊五洩山五湫地歷三州勝八十僧從七客遊赤日行空垂倒景青

天圻鏘接飛流符制集

吳直方常爲太師德王馬扎兒所賞識比之南陽諸葛聘至幕中教其二子脫脫丞相先帖木兒御史二人後德王薨直方年已八十不憚鯨波之險親往京師行祭吊之禮尤人情所難者

宋文憲公集

謝應芳重遊虎邱寺不謁閭邱謁虎邱幅巾藜杖興悠悠飄蓬白髮三千里來往青山八十秋寶地近曾爲戰壘劒池今復屬禪流老松知我題詩意也學生公石點頭

龜巢集

龔璠吳中寒食有八十漁翁罾半破往來醉客路三叉

古梅齋稿

鮑同仁字國良歙人泰定元年試蒙古翰林院授泉州學正累典州縣致仕所至有治績性慧巧通針砭之術治無不中得年八十有通玄指要

二賦注

萬姓統譜

薩都刺李清庵見過詩何人更有八十歲與子須傾三百杯

駢字類編

礪谷居魏稿者崇仁先正粹齋先生所著詩也公甥游紹雅卅角與集游
今亦八十矣乃出此稿相示集得而諷焉虞集李野翁先生詩序

劉思敬事繼母孝父八十喪明會兵亂思敬負避崖穴中兵至欲殺之思
敬曰我死不足惜老母無目何所依乎兵憐其孝而全之一統志

鄭倫字子夔少攻同學長交各流揭文安虞文靖亟稱之明太祖初取饒
授江淮幕府掌鹽利以給軍上親征張氏叩馬獻策俘其驍將以病乞
歸自號環谷野人洪武乙丑再詔起於家至則年已八十賜坐便殿詢
以治道條對具悉欲處以重任以年老辭上親製古詩一章賜其歸江西志

楊鐵巖元末兵亂避寓松江優游光景八十歲精力不衰尚有姬妾數十
人曰桃葉曰柳枝曰瑤華曰翠羽而瑤翠猶有弄璋弄瓦之喜客有小
海生者賀之爲江山風月福人貌鐵巖像而賦詩其上曰二十四考中
書令一百六字太師銜不如八字神仙福風月湖山一擔擔天年只至
九十九好景常如三月三小素小蠻休比似桃根桃葉尙宜男編年考

劉三吾得告致仕還長沙老夫今日到長沙風送歸舟日未斜兩岬青山
如走馬一林紅葉似飛霞買魚沽酒尋常事撫掌長歌喜到家八十還
鄉能有幾當時書錦亦堪誇廣西通志

老道士不知名姓隱於山寺憑几讀書劉誠意未遇時嘗游訪拜之請教
道士不顧誠意力懇之道士舉所讀書以授之曰讀此旬日能背誦則
可不能姑去書厚二寸誠意一夕記其半道士驚歎曰子天才也遂傳
其學後佐高皇帝嘗對御言及道士上令驛召至闕年且八十而容色
甚少命誠意及張鐵冠擇建宮之地初各不相聞而皆爲圖以進尺寸
若一上欲留之不可遂放還山不知所終編年考

宋濂辭聘五經師書陽城爲學官時謂諸生曰凡學者學爲忠與孝也諸
生有不省親者乎卽斥去之此古人龜鑑也濂嚴父垂八十旦暮弄雛
親側以盡愛日之誠猶懼不足乃使棄之以臨諸生諸生將何以取法
乎宋文憲公集

儀智高密人由教官歷布政召爲侍郎上欲擇一老儒侍太孫西楊以智

薦上喜曰老成端重得人矣年八十致仕贈太子太師謚文簡子銘兵部尙書謚忠襄類書纂要

寧海林可企年垂八十纏綿疾疢偃卧不能興召其甥方孝聞曰吾耄矣死無所恨第母氏方太君貞行未及踴白中心惻然汝弟孝孺受經於金華宋太史太史進人以善者也倘孝孺爲達其誠太史未必不憫而寵畀以文也宋文憲公集

王允中自然之後洪武間開設道會掌教三十餘年壽八十能驅雷致雨

凡遇蝗旱疾疫叩之輒驗

衢州府志

詹鳳翔字道存洪武進士以病免歸年已八十手不釋書著有學庸章句

語孟節要

人物志

孫華爲人高潔清雅平生三薦出仕終不就年八十而肌膚猶冰雪常帶折角巾衣鶴氅衣望山臨水步趨翛然時或着絀袍佩玉騎馬行市中人爭隨之所居闢小閣中列古彝鼎法書名畫焚香靜坐終日書非佳墨熟紙不作飲饌非精潔不食士非賢不與之交所爲詩歌流麗清遠

選大雅集行於世 編年考

建文帝名允炆國破時削髮披緇逸於湖湘間某寺中至正統中時年八十作詩云寥落西南四十秋蕭蕭華髮已盈頭乾坤有恨家何在江漢無情水自流長樂宮中雲影散朝元閣上雨聲愁新蒲細柳年年綠野老吞聲哭未休 守溪單記

王源龍溪人永樂進士庶吉士歷官潮州知府所至有聲平生嗜學能文既致仕年及八十猶手不釋卷著有韋庵家禮易覽 萬姓統譜

王直號逸庵八十歲以少傅吏部尚書退政歸太和有歎落花詩云最愛東風弄李花何堪飄蕩委泥沙人生榮謝皆如此不用臨流起嘆嗟識者以謂不免有戀位之誚後八十四終 編年考

避魔巖老僧福海遠望見客披禪衣出迎其年八十龐眉皓首言不能出口望之知其守戒律人也嵯在山半大石嵌空幾二丈僧垣其東南爲禪室又南別爲爨室路近尺許從爨室而履險二十餘步始入巖僧因遊坐其中茶罷而出 王直遊翠微山記

安成吳子恭先生今年八十以黃岡縣學教諭致仕歸學士大夫素善先生皆賦詩贈之余得友先生三十年獨能已於言乎致仕歸

周伯器寓於吳以授經自給正統間闖寇作尚書金問徃征厥討乃拱立道自呼有嘉興儒人周生願効力行間尚書顧而偉之與籌軍事大見信用號令文符皆主之伯器好書八十歲精神不衰猶抄兩漢書兼校其訛用功之勤後莫能及平日作文未嘗起草頃刻數千言屢出奇怪遠近求者甚衆有稿數十卷蠅頭細字皆其手錄也紀錄彙編

潘琴字舜絃號竹軒天順進士累興化知府不避權勢丁內艱起復乞休

作招鶴辭以寓意傳聞京師朝士爭和之彙爲鶴溪清風卷文學商德

爲東南重鄉後進多崇之既耄耄神采壯健如少壯壽屆八十少師李

西涯寄詩以賀卒年九十離莆四十年郡軍民猶移文問安否處州府志

王驥八十歲復爲大司馬加號奉天翊衛推誠宣力守正文臣階爲光祿

同武清侯石亨等奉太上于南宮驥食肉躍馬多從女伎供張奉御如

王公焉編年考

張駿華亭人景泰癸酉鄉薦成化初選中書舍人直文華殿應制多稱旨

賞資極優孝廟命寫風入松辭拜羊酒之賜陞太常少卿歷進禮部尙

書八十歲乞致仕命乘傳歲給輿廩以終餘年卒賜塋祭編年考

石田先生沈周字啟南景泰間郡守以賢良應詔筮之得遯之九五乃決

計隱遯耕讀於相城里閒居奉母之樂母張年九十九齡乃終先生年

八十矣孺慕毀瘠杖而後興萬姓統譜

徐階八十歲詔遣存問賜諭優渥鄉人榮之階選官屬復入改洗馬兼侍

講歷陞少卿居首攝相位十八載多奇功偉績歷事三朝世襲榮歸主

是存問明年八十一卒贈太師謚文貞編年考

羅欽順部首重臣年至八十照例賜以羊酒著撫按宜及門存問仍月給

食米二石歲撥入夫四名應用存問羅欽順詔

雍太字世隆陝西咸寧人成化五年進士初授吳縣知縣吳民有妾亡者

妾父訟其夫殺女兩月匿屍湖中石下召夫訊曰妾逃兩月踪跡莫知

乃訊父曰夫殺汝女安知匿於石下且此豈兩月屍耶此必非汝女殺

他人女與得賂耳一栲而伏歷官戶部尙書以逆瑾用事斥去歸家杜門廉守年八十歲

編年考

樂平王冲焚博學好修言動必由典禮居常自謂非讀不樂成化中年踰七十猶手不釋卷韓王偕藩疏其行於朝上特詔獎焉成化二十年王年登八十上再詔存問諡意甚溫謂其年高德劭軼漢東平王遠甚二十二年薨謚定肅

藩獻記

謝文正遷八十歲復相

編年考

劉岌字凌雲涪州人景泰進士仕至禮尚妻亾妾妬婢生一子妾命僕棄之僕抱兒棄城下入就妾索銀買棺適一吏過聞兒啼抱去隣人周帟見之岌歸妾曰婢適生女不育棄之及岌致仕還涪州有鄉人某爲行人出使歸過岌問曰公有子乎岌曰未也曰公有子現有七歲某具以告岌遂遣一僕賫百金從行人詣京求贖兒吏妻愛兒如己出哭而拒之行人勸諭再三乃從吏遂與僕送兒至涪親舊醵金爲會往迎之或賦詩曰八旬老父江邊立七歲孩兒天上來施顯卿奇文類紀

陳獻章答靜軒過訪詩公是登堂拜母人往來不倦拜丘墳通家無論鄉

閭舊八十頭顱事事真

白沙子集

邵清弘治壬子鄉薦歷遷山西道監察御史一以清正愛民執法自勵進
觸忤逆瑾逮清榜於平門尋釋抵家杜門屏居灌蔬課子而已瑾伏誅
詔起官任雲南僉憲黜貪除害民夷悅服致仕歸無室廬依外氏以居
日中或未舉火意豁如也御史林有孚往訪之笑語移時貧無茗具可
設林歎息而去卒年八十陳鳳贊曰嗟嗟介士邦之司直可賤可貴簞
簋必飭萬里來歸葆茲固窮蕭然素業邈矣高風

編年考

俞舉龍里人篤行博學年八十屢舉鄉賓不赴鄉評重之

貴州通志

魏涇字清伯弘治中病瘍醫工誤針其足脛積久遂不良于行夜夢白髯

老人告曰誦北斗經不惟愈病且益壽詰旦有道士來曰誦北斗經却

疾延年其言與夢合乃悟而持誦日必三過久之瘳今年及八旬齒髮

如少壯猶日誦經不輟

陸聚康己編

正德初閩中盛傳朝議欲起三原王端毅公恕秦左史汝南強景明晟上

詩曰八十耆年一品官歸來清節雪霜寒雖然海內歸心在可奈君前
再拜難鷗鷺恐疑威鳳起風雲長護老龍蟠三公事業三槐傳智取完
名久遠看公得詩大悅

陳眉公讀書鏡

杭州耆老會封吏部員外郎孔希德八十委宛餘編

蕭雅字惟正爲博平王教授正德甲戌蕭兄王曰臣今年八十歲矣願辭
王歸骸骨王瞿然止之曰孤自與先生遊幸日聽道論講說今二十年
餘矣乃忍舍我去耶

崆峒集

都豫軒先生今年壽八十神完而氣全齒髮無所變八月甲寅天子崇徽
號于兩宮推恩臣下南濠子方爲冬官得被異數封先生如其官同年
之任于今者喜先生之高壽樂南濠子之獲榮其親也集而賀之

王陽明集

楊慎題五老圖選壽張禹山八十遐筭雖論魏羅結著書居似范長生九

齡天賜言非夢五老星飛兆久成玄韵松風時靜聽仙醴花露日頻傾

永昌不數睢陽社一鶴南飛寄此情

楊升菴全集

湛甘泉嘉靖甲辰年八十携門人來游衡山講學紫雲峰之麓

衡山志

余榮和號懷伯母胡氏卒年百有三歲時榮和披齊皓首龐眉年已八十

其弟數人皆七十餘榮和年至九十

安慶府志

呂本字汝立餘姚人嘉靖進士優游林下二十餘年終身無疾言遠色人

咸醉其盛德神宗癸未年八十上命有司存問卒贈太傅謚文定

紹興府志

許弘綱字少微進士初任績溪令累至總督兩廣皆有政績拜南京兵部

尚書屢疏乞歸年八十賜存問著有家禮纂要等書

浙江通志

程正誼字叔明進士司理武昌講學五峰壽八十著有華展堂集

浙江通志

申時行字汝默嘉靖辛酉入鄉闈編號至其卷忽有巨人從空下及揭榜

魁書經壬戌聯捷殿試擬第二御覽拔為狀元累至太學士太子太保

在閣十四年乞骸骨去存問至再壽登八十又奉旨存問壽考康強時

與故人遺老修綠野香山故事病終于家予祭塋賜太師謚文定

徽州府志

彭輯字平川貢授河南汝寧教授桃李俱出其門清望著聞署鄱陵令多

惠政民愛戴之年登八十八入賓筵者九里中推仁壽焉

廬州府志

楊成字汝大巡撫江西士民遮道尋遷尚書上御朝建儲二疏語極愷切

年七十力求致仕居家不異寒素年八十存問詔至尋卒諡莊簡

王靜樂先生濟之父也予與濟之官翰林蓋嘗分題賦詩為六十壽今二

十年矣而先生封益加壽益高在朝諸卿士賦而壽者日益眾濟之以

序屬予予不得辭云

西涯集

李西涯壽潘鶴溪八十詩溪上鶴飛知客至籬邊蝶到識花開堪寄與惟

林下竹未忘情是

頤頭梅懷麓堂集

吾舅氏忝將劉公年躋八十而耳目精力矍鑠不少衰每劇談高論凡南

蠻西戎比狄之道里形勢馬軍步隊之進止城守野戰握奇出正之機

變如掌指數計略無凝滯其所謂才潛志氣者蓋兼有之

懷麓堂集

陶望齡與府尊書今歲亢旱大甚老人八十之年所未曾見仰惟仁慈精

勤虔禱今之策惟有急開高壩東山江水入注內河庶可半濟

歇庵集

茲歲丙午某月日見原周先生八十覽揆之辰元配夫人亦春秋高七十

矣比德偕老里中人僉謂盛事仲子褒之既舉於鄉將計偕行先期其

同年友醇酒以祝予弟君爽與焉而來屬予為詞

歇庵集

御史吳公悟齋疏請優禮耆舊奉詔給歲夫月米海內與是者十人而浙中二人元州張公與家君耳張公八十時已蒙兩院會疏存問前引其例尤爲精切也

陶望齡答劉撫臺書

周美爲尙書郎封君就養京師秩滿受封父子相隨奉天門謝恩內侍引入禁苑中徧觀漸臺太液之勝餉以內珍曰封君謝恩者蓋少况年盈八十健爽如此者乎掖送出長安門外

震川集

申用懋字敬中時行子也萬曆進士巡撫順天以忤瑾解官瑾誅進尙書乞歸庚辰用懋年八十遣官存問贈少保

蘇州府志

程漢字孺文性簡傲目斜視鬚鬢奮張見人輒自誦其詩年八十老於布衣萬曆中金陵社集之一

萬姓統譜

童自澄字定夫萬曆間布衣初見張旣山即毅然志學家貧不事生產嘗自言曰泰州起布衣爲餘姚高足彼丈夫也遂交四方講學之士弟子彌衆建輔仁會館坐卧一小樓怡神養氣年八十顏如童嘗對齋前一小石曰自訟或負石立或長跪不起人咸笑之澄曰維石至靜吾故愛

耳因自號其居爲靜齋縣尹式其廬者凡五卒年八十四

安慶府志

湯賓尹陳太公壽序太士志意廣暢體安暇而神怡愉八十年如一日何

不久長也

睡庵集

鄧元聲字旭甫母王氏病篤元聲焚香割股以進不令人知父年八十生

子屬其婦撫養不侵一文以全友愛壬午避寇池陽出資市麥以濟流

氓

安慶府志

唐大章字伯和豐城人萬曆進士累官至禮部尚書卒於家享年八十遣

官祭葬大章歿而俎豆於鄉皓首請老六子三十六孫繞膝一時所未

有也

人物志

萬曆三十五年徐先生誠字思誠稱八十先是先生命子數千里命身後

之石賓尹曰先生年固未涯不得議此其後書至無不以石文爲言賓

尹曰先生行八十且爲一言壽先生無已略倣記傳體爲一言傳先生

可乎先生茲不悅書至責甚厲

睡庵集

何銳字恒之號衡白少穎異剛直敦行以貢任鹽亭簿多惠政蜀人立石

誦之年八十嗜學不倦膺賓席一十九次著有覺思編

衡州府志

八十宗老翁自號玉泉子遠心出榮利平生絕憎憊皚皓栗且溫其中冷

冷耳老翁及其真大宗委喬木孺慕復天君因之號懷玉

睡庵集

沈箕仲年八十而子九疇登進士九疇一日過屠隆曰家大人茹荼蓼教

兒子九疇僅僅有立今年家大人春秋八十適九疇成進士通籍都下

不得來且卮酒爲壽神惘惘動矣將微寵靈於吾子吾子知家大人意

之深

屠隆沈穰邱先生八十壽序

湯太公孺懷年八十猶自作蠅頭楷可五千言與諸孫商品時義遇有意

者呼自錄誦帽帽不休

衡州府志

吳紹奇字淑甫八旬初度詩八十年華轉睫過回思往事惜蹉跎時危楚

璞徒含泣老去秦箏亦罷歌雪月半窻堆簡牘羲皇一枕卧煙蘿

孤矢當懸戶晚景徜徉欲挽戈又有登山不用頻扶杖拂紙猶能細

作書薜荔衣成勝製錦松花飯熟當蒸豚

龍眠風雅

文璧字微明以字行晚歲德尊行成海宇欽慕縝素年齡大耄神明不凋

斷煙殘楮篝燈夜讀作故得者益深寶愛奉若珪璋丹青志

盛世承偕段士樸遊南中詩八十春秋興未衰扁舟同上秣陵來六朝文物猶存否四望山河亦壯哉選勝車騶紛水竹追歎簫鼓拂樓臺登臨到處都成感幾樹閒花對雨開龍眠風雅

湯士彞弱冠補諸生時博學邃養下帷受徒百人皆當代名士年八十始得以貢補松滋訓導省志

鄒繼之字伯孝襄陽人嘉靖進士爲餘干令少清白自矢累至列卿假歸惟二行筭而已及爲冢宰年已八十八朝不杖神宗末年不見羣臣然獨重繼之故銓政爲之一清云湖廣通志

袁廷憲字蕭章崇禎歲貢八十初度詩莫嫌山僻大孤清淡泊居身志可明兩世桑田供冷眼百年花鳥寄深情雙屏晏啟無車跡半榻高懸少友聲却笑磻溪當此日猶貪雲水一竿輕龍眠風雅

福州致仕知府林春澤一百歲時蓋百歲坊春澤率子及孫遍拜以謝起走如飛時御女如少壯人應亮今亦八十矣飲食房室甚壯南極老人

星似燭炤其父子耶

窺天外乘

高平川永安人精星術得雲谷道人斷了凡意葉臺山李九我二公微時以與語二公駭之已而公入相言皆驗每憐其貧諷令以子小就一職爲祿養川曰寧日不再食母以薄分辱名器也李益重之年八十卒不能舉殯適葉至爲賻喪具

延平府志

曹嘉謨字延述萬歷鄉薦令羅山去官父懷椿年已八十矣時春秋佳麗日負杖嬉遊召致諸遺老與父六博雜戲以永朝夕如是者十餘年丙午子給諫履泰舉孝廉謨携子若姪奉春酒爲壽嬉笑一堂承歡四世

寧海縣志

徐純卿將樂人諸生讀書學易窮醫得秘施藥活人年八十手不釋卷著有

有舛元醫案

延平府志

黃讓義大田人老而好學年八十華顛素領手不釋卷客至非其類不與

接遇知書者相對竟日叅訂所疑棲心淡漠抱獨而終

延平府志

黃中字大奎南平人以貢入南雍性孝父疽侍湯藥衣不解帶匝月年八

十歲與大賓

延平府志

有通天沙門年八十薙草開林表一小刹不下山五十年自言此山無豺

虎草木皆香

陳文燭遊義山記

顧問字九野志潔行方足爲後生法式老而好學博綜墳典年八十手校

群書摘其紕繆

嘉興府志

吳本泰字梅星著有吏部集西谿梵隱志使星堂纂綺語障等書馮憲副

如京序曰公年登大耋視履軒然徵事儷詞夜分不倦昔張蒼著聲漢

室白老高會香山曾何足擬也

海寧縣志

陳一簡少嘗刺股血和藥以療親鄉閭稱其孝輒改容謝曰此出於不得

已耳豈敢以是爲名乎聞者感之屢舉鄉賓壽登八十

廣西通志

黃愛山賦性厚樸家無中產而樂善好施每歲凶必盡力賑濟閭里賴之

有子十二人各授一業年八十舉鄉飲耆老

坦齋文集

徐用禮本富家以詩著其吟咏大抵長于香奩之作亦膏粱之餘習也年

亦登八十

楊循吉吳中往哲記

許本常公穀長頭圓面巨鼻微鬚雙眼碧色八十時狀如石畫老子豁訟
白承宗字厚之通州人八歲喪母哀號不食父病瞽醫禱盡力三十年不
懈嘗以舌舐其目父八十時承宗置酒上壽以娛親親目忽開如故有
司上其事旌獎父歿廬墓三年

揚州府志

沈鳳峰春帖云身如兒童鬬草社心入太古結繩時鳳峰和易坦蕩真有
蘇長公眼中未嘗見一不好人之意遇兒童走卒亦煦煦然仁愛之終

日無一俗事在心終歲無一俗人到門年登八十常如小兒

編年

邵麟號顯郊以貢授忠州吏目署本州益施善政大得民心知鄆都德惠
及民去後思之以父母年登八十請歸養抵家携俸餘呈二親前先具
贍資分給諸弟後邵氏衣冠詩禮皆其後也

富陽縣志

王元古由廩貢任廣西按察司經歷萬歷元年致仕養親按撫兩給匾曰

孝廉享年八十鄉飲三次

餘杭縣志

湯聘之字志藝諸生時博學邃養下惟授徒百人皆當代名士屢黜棘闈
遂以貢補松滋訓陞新化諭年八十歸里人稱莘野先生

零陵縣志

俞司寇士悅苗文康襄楊文貞士奇郝司空璜范司馬欽王府尹弼何司

馬欽雍司徒泰王司寇鑑之孫司徒交楊司徒潭俱年八十呈明盛事

明衡山耆壽康希上唐登化劉必騰皆年八十鄉飲五次七次不等衡山縣志

嚴光一名遵年八十終於家帝傷惜之詔下郡縣賜錢百萬穀千斛後漢書

蔡順字君仲汝南人以至孝稱嘗出求薪母噬指即心痛馳歸王莽末人

相食順拾桑椹赤黑異器賊問故順曰黑者奉母赤者自食賊遺米受

而不食母終未葬火逼其舍順伏棺號哭火遂越他舍母平生畏雷震

順輒環塚泣曰順在此舉孝廉不就年八十終於家同歸集

樓望字次子雍邱人少習嚴氏春秋操節清白有稱鄉閭建武中趙節王

相聞其高名遣使齎玉帛請以爲師後爲左中郎將教授不倦世稱儒

宗諸生著錄九千餘人年八十門人會葬者數千人儒家以爲榮後漢書

王濬字士治平吳之後勲高位重轉撫軍大將軍開儀府同三司加特進

卒年八十謚曰武晉書

何曾字穎考少與同郡袁侃齊名晉武踐祚進位太傅咸寧四年薨時年

八十曾性至孝闔門整肅自少及長無聲樂嬖倖之好年老之後與妻相見如賓

晉書

陶侃臨終表云臣年垂八十位極人臣啟手啟足當復何恨但以餘寇未除山陵未復猶冀犬馬之齒猶可少延欲為陛下北吞石虎西誅李雄勢遂不振良圖永思

王隱晉書

胡叟字倫許吉翰以叟才士頗相接引翰遷益州隨入蜀多為豪雋所尚

後歸魏惟以酒自適曰我此生活似勝焦先矣年八十乃卒

十六國春秋

裴松之上使注陳壽三國志松之鳩集傳記增廣異聞既成奏上上曰此

為不朽矣出為永嘉太守勤恤百姓吏民便之致仕卒年八十

宋書

袁昂字千里雅有人鑒入其門者號登龍門遷尚書左僕射告老薨年八

十南史

張知謇字匪躬兄弟五人皆明經高第曉吏治清介有守累御史裡行華

州刺史致仕卒年八十

廬州府志

文喜七歲出家往五臺山大順元年錢王奏賜紫衣賜無著號光化己未

十月二十七日子時告衆曰三界心靜即是涅槃言訖跏趺而逝方丈
發白光林木同色世壽八十聖果寺志

解暉臨洛人少有勇力奇謀從太宗征淮南開寶年破太原軍於境上屢
戰有功淳化二年以上將軍致仕卒年八十萬姓統譜

黃碩字興周乾道丙戌開舉奉對御題首問舜紹堯之後垂衣而天下治
碩曰聖人出治之初不可安於無爲必先於大有爲物物括摩之事事
整齊之然後可以馴至無爲舜之紹堯用此道也孝廟大喜親擢爲第
一人調平江府教授再轉招信軍僉判秩滿乞祠歸卒於家年八十統譜

楊徽之字仲猷咸平中授侍讀入謝命坐勞曰圖書之府清淨無事俾卿
得以養性也未幾以足疾罷車駕北巡駐大名並詔存問卒年八十詩話
曾公亮字明仲天聖初試雲瑞紀官賦宋祁榜第五人嘉祐中拜相李復
至作詩云老鳳池邊蹲不去飢鳥臺上噤無聲以太傅致仕卒年八十

紹興中蘇庠年八十矣客有江宣贊者稱羅浮黃真人命與之丹一粒其

大如豆色正黃曰須困篤服之后五年當再相見其後庠果病卒家人

取丹投之遂復甦於是髮半再黑舊失一目亦復瞭然將卒之一年冬

十一月徃常山辭諸道侶明年元日張宴會飲達旦忽披衣起曰黃真

人至矣遽出門去其行如馳家人輩競奔逐及之已立化陶定蘇後湖遇黃真人記

孫薪字至豐元祐中以明經擢第性清介與黃葆光爲太學舊遊宣和間

黃以御史守處州不屑謁黃約會於洞溪僧舍贈詩云勸農因到好溪

頭把酒相看憶舊遊三十年來如一夢可言空負釣魚舟後年八十卒

先是李若樸夢薪赴赤松觀管轄里人亦夢幃幟來迎孫翌日衣冠端

坐而逝處州府志

顯嵩銅梁人姓李三十年足跡不出鄉里宋紹興中集衆作誦曰八十年

中常浩浩宏開肆貨摩尼寶也無一箇共商量不似山僧收舖早端坐

而逝一統志

曹冠車陽人博學強記紹興間進士遷太常博士轉朝奉大夫賜金紫致

仕年八十卒所著有經進十論萬言書開復秘畧斐溪等集

統志

楊萬里字廷秀號誠齋孝宗稱其仁者有勇年八十自書十四言投筆隱

几而歿鶴林玉露

黃渙字德亨光澤人父郭義以六經教子七子皆有成立渙志篤學博嘗

從呂祖謙遊學淳熙南省第二人後守岳州卒年八十兄謙亦遊朱呂

之門萬姓統譜

薛叔似字象先孝宗欲廣言路設補闕拾遺官命叔似朱熹為林栗誣奏

力為辨明後以端明恩數致仕卒年八十通志

張處字子必宰相謚之裔端平元年以國子司業侍講召處講月令至孟

秋決疑訟反復數言復成月令二十二卷進陞國子祭酒龐眉剋帶諸

生望之肅如也年八十卒謚文靖萬姓統譜

沈琰字公執學於楊龜山之門登崇寧進士授國子直講高宗時擢御史

以正本任人擇吏理財養民賑困六事具疏又奏秦檜和議非是帝不

懌形於辭色琰拱默不動伺間復言帝為改容陞翰林博士諫不行致

仕遂渡錢塘廬父煥墓卒年八十蔡沈著其行狀塋青田鄉紹興府志

田志亨號通真子父母亡負書築墓一日捨妻子爲黃冠師卜唐縣之磨巘坐栢樹下磨石曰丐食村落暮宿石上每有猛獸巨蛇直前皆俛首而退里人異之爲創觀居焉壽八十一 續志

李慶嗣洛州人少舉進士不第棄而學醫讀素問諸書洞曉其義天德間歲大役慶嗣携藥與米分遺貧民全活甚衆年八十無疾而終所著有傷寒纂要及傷寒論針經等書一統志

張進中字子正善爲筆管以堅竹毫以鼯鼠極精銳宜書人爭售之與趙子昂諸名人善尙方時有所需非進中所爲者不用也進中自持筆入必賜以酒年益高被璽書免其徭役至八十以終文翰類選

滕斌字玉霄黃岡人哭東園詩人間八十幾吟翁一轉頭來夢幻空香名合列仙班上老氣猶橫詩卷中如此英靈原不死梅梢月落響松風集

鄭洪字君舉悼聖福林掀龍舞象下西天傲睨煙霞八十年忍見瓊林凋

玉樹俄聞火井迸紅蓮草堂居士非凡客蘭若淵明是夙緣不及生芻澆奠酒且將秋菊薦寒泉

素軒集

黃玠字伯成定海人震曾孫幼聰敏躬行力踐以聖賢自期隱居教授孝養二親聞名者曾遣贄迎致之樂嘉興弁山山水之勝卜築焉號弁山小隱與趙子昂黃晉卿相友善著有弁山集知非稿纂韻唐詩若干卷卒年八十從祀嘉湖寓賢祠

萬姓統譜

劉自明字子晉大庾人以孝友稱仕雲南巨津知州念母老去歸終養尤友愛諸弟母終近百齡自明年八十矣猶準禮居喪御史喬廷棟造其廬年至九十

南安府志

石永壽瑞州人事親至孝元季兵亂其父讓孫年八十不能行被執兵欲殺之永壽亟前抱父請代兵遂殺永壽其父獲免

續弘簡錄

宋訥字仲敏登元進士入國朝爲國子助教翰林學士撰宣廟碑文稱旨賞賚甚厚卒年八十正德中追謚文恪例餉劉三吾宋訥墓志銘金石文章錦繡胸蔚爲海內諸儒宗天何一疾遽告終至尊爲之惻淵衷

命醫與祭恩禮隆年登八袞壽始窮歸毳祖塋得幽宮銘阡者誰青藜
翁坦齋文集

吳自福麗水人號梅澗晚年益究黃庭道德之旨年八十無疾而逝劉伯
溫銘其墓處州府志

葉兌精於天文歎曰元運當華濟者其江左乎時方國珍據浙東深自晦
匿行金陵謁明祖於戎馬間獻武事一綱三目策太祖奇其言屏人坐
賜飲食欲留用之固辭還山宋濂與定交徵辟歲至皆不就年八十卒
浙江通志

何初字元明常山人洪武中知安仁縣博通經史造就人才士風爲之一
振年八十卒衢州府志

邱錫字永錫洪武己卯鄉薦自筮仕凡典文衡者五人服其公性嗜學垂
老偕其友徐仲禮優游於武夷山中終日手不釋卷卒年八十賦夷山

周縉字伯紳武昌人以太學生授永清典史攝令事文皇兵起郡縣望風
迎降獨縉極力爲拒守旣而糾義旅勤王追文皇即位有司解縉赴京

下獄從輕典謫戍興州居數年以子代還年八十考終於家

維年考

張揆字文裕歷城人幼篤孝父病割股肉以療第進士知益都縣丁內艰

時值隆冬徒跣舉柩叩頭流血與兄揆廬墓左累官戶部侍郎致仕卒

年八十忠篤神懇既老益康

弘簡錄

苗衷定遠人永樂中進士第二正統初楊士奇薦為講官學術醇正士林

推重進兵部尚書致仕年八十卒贈少保謚文康

一統志

李維楨字本寧官尚書致仕年八十卒在史館與許文穆齊名同館為之

語日記不得問老許做不得問小李

列朝小傳

葉砥字周道改字履道永樂中求去不許乞一小郡自効拜饒州知府年

八十卒於官廨

列朝小傳

王淮字伯源景泰十才子之一也與湯公讓遇於吳興皆以辨博相夸移

日不相下及徵青陵臺事各得其二伯源曰止於此乎復舉其一歷歷

口誦無遺公讓歎服語太守岳璿曰伯源真行秘書也卒年八十有大

塊集

列朝小傳

賀承宗字宗振方畧失怙困窮砥礪時舅錢紳訓導蘇學薛伯潤憐其才妻以女授其田廬承宗耕讀無斯須自佚士子受業盈門三十餘年年八十而終

蘇州府志

劉大夏字時雍華容人中天順己卯湖廣解元癸未進士累至兵部尙書致仕卒年八十謚忠宣

三元考

易泉字伯源舉鄉試第一事父母極孝涇野先生爲作椿庭遺痛冊贈之致仕後性喜讀書至老猶手不釋卷晨起整衣冠竟日即溽暑猶然嘗曰學在整齊嚴肅舍此無入手處晚年與劉太僕穩倡同志月爲六會公爲主盟剖疑辨難多所發明一時紳士咸翕然興起云卒年八十

府志

張銓字秉衡龍泉人篤於行義事無大小不苟屢薦鄉飲知縣鍾繼瑜扁

以海內耆英年八十終

處州府志

盧勲字汝立縉雲人敦睦樹範愔愔躬以博士起歷司諫嘗劾權奸世廟嘉之引年致仕杜門謝客嚴廷訓蔭二子年八十神廟遣使存問賜

隋一品卒祀郡祠同處州府志

倪尚忠字世卿萬曆進士授順德令會母老疾致仕歸邑人追思不已立

祠祀之著述數十萬言年八十端坐而逝浙江通志

焦竑字弱侯萬曆乙丑狀元官修撰年八十卒列朝小傳

匡忠號仁齋世業醫常起危殆之疾不責人之報以長厚稱幼讀儒書甫

冠即開門授徒篤於孝友恩義兼至晚年以家付子優游鄉里以詩酒

自娛卒年八十萬姓統譜

越梁貴陽人少遊庠校隨棄去隱於槐亭有鹿門風人稱槐亭先生年八

十卒貴州通志

康時匡性敏厚讀書萬卷下筆千言累困場屋訪道先正以至敬為本所

著有其順軒語錄倡建義田創義渡賑貧活族自甘蔬水年八十口誦

一白樂天達哉行而逝都諫鄒南阜先生銘其墓後進稱為吳蒙先生嶺

縣志

羅其綸字彛伯舉萬曆乙卯鄉試徵修僖宗實錄陞瓊州推官值黎人作

亂綸單騎至黎宣諭威信殲其渠魁建學置官藉土作貢擢戶部主事
連召平臺每奏皆有封事每召對必賜筵痛念母老告歸奉養四辟蕭
然衣無完布年八十終

茶陵州志

胡逸真正統間師體元劉真人能驅邪魅致風雨甚驗有贈詩云三日上壇三日雨一聲號令一聲雷卒年八十預知羽化之期廬州府志

越梁歸國人小燕乳交劉棄去劉欲射亭中風人醉卧亭次主卒人

侯門開門封封萬萬文恩義義至如半以寒村子
 國忠烈二齋世業醫常賦立服之藥不責人之疑以
 萬萬半距萬萬酬之狂狂天官新對半八十事
 侯門小將

之菁表類十萬有年八十歲坐而遊

山學世陳萬觀士舞觀新今會日孝感舞舞舞
 舞舞舞舞舞舞舞舞舞舞舞舞舞舞舞舞舞舞

州品卒

八十一歲

舜攝政二十八年而堯崩三年喪畢舜年八十一以仲冬甲子日次於畢

始即位以土承火色尚黃帝紀庾子山馬射賦舜以甲子之朝披圖

巡洛

李耳懷八十一歲從母左腋而生生而白首曰老子月令廣義

無着問此間佳持何如文殊曰聖凡同居龍蛇混雜無着云多少文殊曰

前三三後三三無着童子云適來大聖道前三三後三三是多少師代

云九九八十一類書纂要

貢禹字少翁以明經高行徵博士元帝朝累官御史大夫數言得失年八

十一乞歸帝曰生有伯夷之廉安魚之直故親近生幾忝國政而欲退

意豈有恨耶其強飯慎疾以自輔漢書

摯恂八十一歲徵召為宗廟國輔不就初恂為通經教授隱於南山之陽

以女妻弟子馬融人服其鑒編年考

晉將軍梁國兒八十一歲作壽塚於平涼將妻妾入塚飲讌醉則俯靈床

而歌 編年考

何曾荀顗等議孔恂劾庾純疏按純父年八十一兄弟六人三人在家不

廢侍養純不求供養其于禮律未有違也又令父年九十乃聽悉歸今

純父年未九十未為犯令罵辱宰相怒賈充高貴宜加放斥晉書

徐則年八十一隋煬帝為晉王鎮揚州時以書召之既至晉王請授道法

辭以時日不利其父返真王使人迎視歸天台江都道中有見其徒步

歸者以經書道法遺弟子掃一精室曰常有客使至當延之於此乃跨

石梁而去時年八十一也明日果使者護喪至晉王圖其形命柳誓為

讚仙志林作八十稍異並存之

唐公器仕光祿少卿年八十一善攝生或祈其術曰吾未嘗有術但未嘗

以元氣增喜怒氣海常溫耳編年考

大業七年九月太原郡有一老人年八十一以素木匣盛禾一本三穗本

長八尺穗長三尺五寸大尺圍芒穗皆紫色鮮明可愛自禾已上二尺

餘皆紫色而獻之上賜資甚厚授嘉禾縣令編年考

臨賀馮乘縣有歌父山一老不娶妻而善歌聞者莫不洒泣年八十一而聲逾好及病困命鄉六七八人輿入山穴中隣人辭歸老人歌而送之聲振林木響遏行雲餘音遶竹數日不絕

編年考

仙人瞳子眼方陶弘景年八十一眼有時而方

淵鑑類聚

張柬之八十一歲與崔玄暉桓彥範等率左右羽林兵五百餘人入詣東宮迎太子斬關而入斬易之昌宗於廡下太子中宗即位徙武后居上陽宮號則天大聖皇后

編年考

李員守奉使過海至瓊道逢一翁自稱揚避舉年八十一其叔父皆一百二十歲又見宋卿年一百九十次見鷄窠中有小兒出頭下視宋卿曰此九代祖也不語不食不知其年李乃區其堂曰甘谷世家

嶺南紀異

又

錢易洞微志李永忠爲承旨奉使至瓊避舉父曰叔連年一百二十有

二宋卿一百九十有五

宋靖禪師年八十一錢王請於龍興寺之大殿演無上乘黑白駢擁錢王特加禮重屢延入府顯德元年示寂壽八十四塔於大慈山

武陵梵志

蘇澄隱年八十一對宋太祖舉老氏我無爲無欲惟以二語治生耳編年

李文定廸八十一歲致仕榮歸贈司空子東之字公明年八十歷禮部侍

郎致仕歸肅之字公儀年八十二歷龍圖學士及之字公達年八十二

歷開封判官知州事以大大夫致仕歸一門皆顯達高年編年考

晁迥字明遠舉進士爲大理評事真宗在東宮稱爲好長者景祐中爲翰

林詔令多出其手以少保致仕年八十一召燕大清樓特免舞蹈訪以

洪範雨暘之應謚文元萬姓統譜

子玉以詩見邀同司文遊金山詩君年甲子未相逢難向君前說老翁

有方瞳八十一奮衣矍鑠走山中東坡集

辨才平生不學作詩年八十一作詩曰巖棲木食已瞢然交舊何人慰眼

前素與畫工心印合每思秦子意珠圓當年步月來幽谷拄杖穿雲

夕烟臺閣山林本無異故因文字未離禪韻芳武林梵志載師嘗與

僧熙仲同食視師眉間有光如螢攬之如舍利後嘗於卧起處得舍利

者

伊川與韓持國善約候韓年八十一往見之久留穎昌韓早晚伴食體貌加敬一日韓密謂子彬叔曰先生遠來無以爲意我有黃金藥一重三十兩似可爲先生壽然未敢遽言之我當以他事使汝侍食因從容道吾意彬叔如戒試啟之先生曰願與乃翁道義交故不遠而來奚以此爲詰朝遂歸持國曰我不遽言正爲此耳再三謝過而別

伊洛淵源錄

鄧孝

一作甫

字成之第進士至奉議郎坐事去官遂閉戶著書元符求直

言考甫年八十一上書論熙寧而下權臣迭起敗世誤人蔡京嫉之削籍羈均州且死命幼孫名世執筆口占百餘言畧曰予自謂山中宰相虛有其才也自謂文昌先生虛有其詞也不得大用於盛世亦無憾焉

萬姓統譜

蓋亦有天命焉著有卜世大寶太平策要等凡二百餘卷

元祐初詔太師致仕文彥博平章軍國重事班宰相上彥博居洛司馬光言其宿德元老宜起以自輔太后乃命六日一朝兩月一赴經筵時年

八十一矣

山堂肆考

紹興二年癸丑龜山先生年八十一歲作三經義辨目錄辨字說成尚書

廖剛建安章才邵來問學年譜

故相湯岐公語陳德召曰陸務觀別君詩方傳世非公之賢何以發其語
如此時紹興已知也德召子知津爲高安守請序其詩重以感歎某於
是年八十有一矣開禧元年九月寶謨閣待制致仕山陰縣開國子陸
游序陸游澹齋詩集序

蔡京字元長旣南遷市飲食問知蔡氏皆不肯售且極言詬罵京曰京失
人心一至如此至潭州作詞云八十一年任世四千里外無家如今流
落向天涯夢到瑤池闕下玉殿五回命相彤庭幾度宣麻只因貪此戀
榮華便有如今事也西湖志

陳耆卿隘軒先生文集序於是隘軒年八十一而五經始論後三年五月
孫若臯始袖畀余謂年及髦匙飯不滿掬觀書每薄夜半倦劇引惕天
未鷄鳴朗吟五經論一過曙即起外事無旁娛嘉興志

王惲字仲謀月蝕詩隣翁行年八十一如此災變見未曾我聞長老說日
月中有烏兔精顧兔固微物性狡陰邪萌人問三宿厭不處緣雲入月

爲家庭 秋澗集

曾三異字無疑少有詩名楊文節公深嘉之尤究經舉屢從朱文公問辨
因廬其堂曰仰高魏文靖鶴山爲之記端平初以秘閣校勘召力辭時
年八十一 萬姓統譜

吳澄贈道士劉季榮詩清真劉師八十一行脚一萬四千日鶴身七十腰

而長鵲眼雙睛黑如漆盛年狡獪稱善奕覆下百子無一失 西江志

立中禪師正統辛酉六月三十日上堂說偈曰今年八十一老病隨緣且

遣日今年記着後年事後年記着今朝日至癸亥八十三焚沐坐化月

日無爽停龕九日不變如生茶毘之際送者溢路無不涕泣獲五色舍

利無筭建塔於普明窳渚波之側 武林梵志

潘禮字子純天順進士歷官工部侍郎清廉恬退未老乞休年八十一詔

給米月三石 萬姓統譜

徐宗伯瓊侯司空瓚洪太保鍾林司寇泮周司寇倫俱年八十一 皇明盛

徐少師階馬端肅文升楊尙書翥韓司農福俱年八十一 編年考

杭州耆老曾在正德間大理寺正郎子貞八十一封吏部員外郎孔希德

八十禮部郎中蔣廷暉七十八處士項伯藏九十三孫適郭文敏皆七

十三又有稽勲郎中鄧林布政使姚肇以寓公與會而年不及貌委餘

鄭循初字子初莆田人成化中任餘杭教諭任滿赴部考試上林鳥集詩

循初對曰千章佳木上林西勾引紅雲上御堤山鳥也知王氣盛鸞來

高借一枝棲遂居優等授泰府長史進中順大夫致仕年八十一縣志

衡山耆壽文源賦年八十一歲鄉飲二次衡州縣志

魯恭字仲康爲中牟令年八十一卒於家後漢書

張昭字子布仕孫權拜輔吳將軍昭容貌矜嚴權常曰孤與張公言不敢

妄也舉動憚之年八十一嘉和五年卒權素服臨吊謚曰文侯三國志

是儀字子羽爲吳魯王傅盡忠規諫事上勤與人恭不治產業不受施惠

權常幸儀舍求視蔬飯親嘗之對之歎息年八十一卒三國志

陳騫字休淵矯季子年踰致仕屢稱疾辭詔遣侍中敦諭賜几杖不朝安

車駟馬以高年還第元康二年薨年八十一謚曰武揚州府志

葛稚川年八十一尸解列仙傳

梁魯字貢父燕人年八十一卒之前十日有大星隕於所居流光燭地人皆異之異史

景毅字元堅遷益州大守上封事吏民涕泣送之至沮者七百人至白水縣者三百人值益州亂後斗米千錢毅至恩化暢洽比去米斗八錢鳩阜巢其廳育孕而去爲人剛正疾淫祠勅子孫爲修善爲禱仁義爲福年八十一卒常據梓檀士女志

虞世南出繼叔寄後故字伯施太宗嘗稱其五絕二德行二忠直三博學四文詞五書翰卒年八十一詔陪塋昭陵後帝爲詩一首述古興亡旣而嘆曰鍾子期死伯牙不復鼓琴朕此時將何所恃耶令褚遂良卽其靈座焚之數歲夢進說言若平生翌日下詔厚恤其家唐書

于休烈恭儉仁愛樂賢下善推轂士甚衆年老篤意經史嗜學不厭累官至工部尙書妻常卒天子嘉休烈父子儒行詔贈韋國夫人塋給鹵部鼓吹歲中休烈亦卒年八十一帝爲嘆息贈尙書左僕射謚曰元道謁

者就第宣慰為儒者榮

唐書

于邵字相門天寶進士以書判超絕補崇文校書郎累官至杭州刺史卒年八十一邵孝弟有行晚塗益潔樊澤始舉賢良邵望見曰將相才也

崔元翰舉進士年五十矣邵曰後當司詔令已而皆然

唐書文苑傳

錢守俊少勇摯初補禁衛屢立戰功前後中三十六剗官至領軍大將軍年八十一

萬姓統譜

黃休字德隱七歲出家王建禮之號禪悅大師或呼為得得來和尚終於蜀年八十一有西嶽集吳融為序

全唐詩

錢鏐起仄微開國垂統天祐二年尊為尚父長興二年卒年八十一謚武

肅

西湖志

錢文奉字廉卿元璪第二子善騎射能馬上運槊涉獵經史音樂圖緯醫

藥鞠擊皆冠一時嗣元璪為節度使累至檢校中書令自號知常子文

奉嘗問命于天僧德韶韶答明公已巳八十一至開寶二年已巳歲八月十一日卒始驗其語

蘇州府志

尹拙汝陰人性醇謹博通經史舉三吏官至國子祭酒宋初改工部尚書卒年八十一一統志

范景仁年八十一薨封蜀郡公謚忠文魏了翁鸛鳴天詞范靖州十月二

十一日生三三律管聲餘亥九九玄經卦起中古今類傳

劉漁字凝之晚善養性篤行老益壯年八十一其終也未嘗疾沐浴正冠而絕嗚呼亦異矣張來水玉堂記

駕部員外郎李君宗同景祐中良吏也守漢川有道士尹可元精鍊善畫以遺火得罪當死君緩其獄會赦得免可元八十一自誓且死必爲李氏子以報可元既死而君子世昌之婦夢可元入其室生子曰得柔幼而善畫既長讀莊老喜之遂爲道士賜號妙應事母以孝謹聞其篤真蓋妙絕一世云獲子瞻贈李道士序

蔡諱字伯恭元祐間隱居不仕築書院有志於學者教之以三十人爲率築圃植花木爲遊憩所號無爲居士邑有訟不之官而決於諱有王烈之風年八十一終萬姓統譜

王宗哲字廷俊省試俱末第會朝廷責有司取人過額減百人宗哲亦在數中遂東歸讀書絕意仕進以詩酒自適至政和戊戌復取所減百人廷對遂中甲科累官灌陽令致仕手植六柳號六柳先生與郡守張憲友為詩友更迭唱和年八十一卒萬姓統譜

盧葆真字仲璠四十遊名山風標高爽心境虛靜年八十一乾道三年作誦示衆揮扇而逝太師何公備詩曰不見高人盧葆真洞前松竹幾經春白雲中斷來雙鶴彷彿悲鳴是故人處州府志

宋高宗乃錢鏐轉世俱壽八十一遺軀洪皓有一妾曾侍明帝劉皇后言帝后初生高宗時夢金甲神人自稱錢武肅王乞還兩浙舊疆即錢鏐也年八十一高宗年亦八十一建炎渡江都錢塘百有餘年事不偶然湖海新聞

饒延年字伯永魁岸倜儻遊象山之門象山稱其開豁有力量以經學稱隱居不仕輕財好義歲歉減價和糴紹定中寇亂趨金陵微疾屏藥明燭焚香趺坐而逝年八十一魏了翁題銘曰有宋長者饒止翁墓

趙葵字仲南淳祐九年爲右丞相言者論葵非由科目進力辭表云霍光
不學無術每思張詠之語以自慙后稷所讀何書敢以趙抃之言而爲
解乞罷爲醴泉觀使舟次小孤山薨年八十一是夕五洲星殞如箕贈
太傅衡州府志

蕭天任生咸淳間年八十一坐化洞庭之上爲神立廟成祖北征見有神
從空中助旗幟書蕭字因封順天王河上楮談

何基字子恭每於聖賢與義微詞必平心易氣勿忘勿助待其自然貫通
嘗謂立志貴堅規模貴大克踐力行死而後已凡聞一善言見一善行
喜形於色若已有之卒年八十一稱北山先生通志

何異字同叔高自標致有聲名所著月湖集傳世卒年八十一朱叟
陳均字子公峴孫昉子也少受學於真西山歷知東陽麗水西安所至有
聲以忤似道致仕卒年八十一通志

清音子湯亨道自號赤脚道人宋季引一猱自金陵來嘉興猱大如人能
王給使亨夜坐時舒光邦人推異爭飯之施與日多因構庵曰太古以

延四方雲水之客一日手偈云八十一年饒舌終日化緣不歇重陽前
節歸家一路清風明月端坐而化

嘉興府志

黃正孫字長孺宋亡絕意仕進居嘉興之魏塘文行為學者領袖年八十

一而終黃縉銘其墓

嘉興府志

豐城洪先生淵宋鄉貢士皇元以儒學教授致仕給半俸養之士之蒙恩

鮮或有是自號泳齋翁生端平甲午年八十一卒

吳澄洪先生文集序

黃潛字晉卿至正赴知制誥同修國史乞休不俟報而行遣使追及十年

得請還南七年而卒年八十一贈江夏郡公諡文憲

日損齋稿

宋旡字子虛薄味清齋行不用杖已知八十披褐飯蔬日從林下遊鄧光

薦稱旡逸士馮海粟命曰韻人趙孟頫以通吏許唯馮知之最晚見旡

藁亟序之資以鐫行世自爲吳逸士銘曰旡生宋景定庚申髫年幹流

東西時雖搶攘而學不怠乙亥世變舊業俱廢谷隱巖棲暮景將迫泮

忍隨時以微吟自怡得瘞骨先人冢傍見高曾於地下幸已時子虛年

八十有一至正庚辰歲也

子虛翠寒集

白珽字廷玉結廬西河之金沙灘有泉自天竺來及門而漚榜之曰湛淵因以自號卒年八十一所居多竹先是一竿上岐爲二人皆異之賦凌竹杖詩未幾而歿

湛淵集

汪漢卿字景良元至大中國子監丞承德郎致仕爲人謙和樂易博聞強記筆札尤精在翰苑十年凡中朝討論典故衆人所不能識者叩之應對不窮卒年八十一自號菊坡有集

萬姓統譜

陳裕字景容高皇帝詔舉徵士試尋樂觀光春日書懷賦援筆立就群公爲之側席忽以母喪歸服闋詔徵固辭不就居恒與陶宗儀顧謹中俞山月唐涿州分韻酬答有唱和集書法趙吳興時稱能品更積德累善年八十一其精神興致如一日

編年考

蓉峰處士宋濂之父也年八十一耳聰目明無所苦起坐飲食如平時越一日即亡臨終一語不亂

宋文憲公集

黃潛齋年八十一學士大夫聞之皆流涕曰黃公死一代文章盡矣門弟子劉涓王禕宋濂傅藻等咸來相治後事塋於崇德里東墅之原

憲公

集

穆彥良居華亭集賢里永樂初領鄉薦授太原府訓導歷霸州蕭山教以三十載奉身清約退老歸家杜門簡出鄉黨尊重年八十一卒編年考道涓正統間爲龍泉僧景泰庚申辭衆端坐遺偈云觀世間八十一卽是三三卽一團團燦破去來踪白日虛空轟霹歷偈畢而逝鼻出雙觔光瑩如玉時年八十一處州府志

蔡崇行字雲端居家孝友不入公庭不誦權貴淡泊自如年八十一置酒會親黨談笑而逝里中稱雲端先生長沙府志

曹祥字世奇太倉人正德舉人遷新昌令九載俗大變告老家居享年八十一里中子或不知其魯爲令也使者有自新昌懷安來者于旄入委巷修謁或拜伏泣起居若家人禮爲言受恩士民廟食不忘狀祥笑而不答呂光洵之父豪於鄉爲祥所扶因改行稱善士光洵擢御史按太倉謁祥祥已忘前事光洵語故曰微翁誰成吾父咎談竟夕去祥循吏不必言若光洵父子者亦過人遠矣光洵官至尙書有名湧幢小品

洪鍾緊官至刑部尙書嘉靖二年薨年八十一天子遣官論祭賜諡忠
西湖志

陸獻明字君謨萬歷進士嘉興知縣廉能第一按貴州時撫臣王三善死
于賊師大潰獻明催楚餉接濟徵川湖兵駐防黔楚兩安致仕仍叙功
加一級年八十一卒蘄州府志

唐元字長孺幼家貧阨於衣食奮迅以詩名號新安四俊爲文紆徐典雅
有汴宋前輩風詩則含蓄雋永不作近代人語卒年八十一著述甚多
萬姓統譜

唐震醴陵人任戶主事爲三原王恕所器重泰議四川提督建昌善政不
可殫述越雋立祠祀之致仕卒年八十一長沙府志

李孚湘潭人少保騰芳父也老年益喜靜處久而有悟著耄言皆世外語
年八十一偶疾諸子環問之起步中庭曰緣合則聚散則去耳次日端
坐而逝長沙府志

徐燭字定溪有隱德避倭林中倭將入有物招之去人以陰德之報子應

燿性孝友。燿病隆冬，思食瓜，泣禱。瓜壘，燿臥葉葉下，人呼爲孝瓜子。從治殉難，萊城應奎哭之，哭已笑曰：「真吾子也。」燿年八十一。孫文治年九十四。光治年九十。昌治年九十一。燿與應奎皆以從治貴，贈封兵部尚書。嘉興府志

韓韶字光祖，以太僕致政。萬曆己酉元旦，恍惚見天神降，廷告曰：「昔居官有七大陰德，今先報其二。」是年次子敬魁京闈，庚戌第一。人及第年八十一。卒，易簀之日，自書一聯云：「六十餘載辛勤兩字傳家，惟忠惟孝。」八十一。年委順，寸心不疚，何懼何憂？湖州府志

楊守誠字惟一，性孝友。癸卯間倭訐闖浙，蘇松皆被殘破。守誠知其必犯揚州，與致仕副使何城力請於太守吳桂芳，築新城并瓜州城禦之。一時規制皆守誠擘畫，老得元壯之術。年八十一，無疾卒。江都縣志

趙新樂清人，博通經史，累至翰林修撰。卒年八十一，著有四書說約行素

稿一統志

徐瓊字時庸，號東谷。仕至太子太保禮部尚書致仕。年八十一。羅圭峰謂

璦之量宏矣而無量各文優矣而無文各書善矣而無書各有二不近名之贊云三元考

杜東厚先生用嘉爲人醇和安定博通經史詞翰人品俱重一時號鹿冠老人年八十一卒

吳中往哲記

宋九儀字夔卿萬載人由恩選授建寧知縣民愛慕爲立生祠九儀取其本主以歸曰吾不務虛名也入覲力請終養事親以孝聞村居三十年以吟咏自娛年八十一

人物志

陸大漳號湛泉少年館於平湖一夕聞叩門啟視一艷婦也亟閉門峻拒之達旦辭歸次年至舟中見白金兩鎰急歸訪之月餘始得其人還抵館則二月抄矣主人已別延一師徒手而歸萬曆戊申貢於鄉年八十一崇禎贈太僕卿

浙江通志

邱濬歷官殿中丞因讀易悟損益三卦能通數知未來興廢常語家人曰吾壽九九果八十一卒

萬姓統譜

鍾鼎字文昭上猶人慷慨好義家饒於財慕范文正義田買田五百畝建

書院延師訓族之子弟及暨邑之俊秀者卒年八十一 南安府志

陳旅字正初以明經遷國子監丞清剔宿弊監規肅然堂官爲之改容六館之士望而畏之曰陳監丞來矣乞休東歸卒年八十一 祀鄉賢 臨海志

尤挺秀字實甫長洲諸生性孝友母病經年侍湯藥籲天請代太守陳洪謚重之舉鄉飲大賓年八十二卒詔給七品冠帶子淪字遠公篤行高才七試不遇著述自好鄉邑利病必以告當事多採行之置役田立義塚著西山虎邱竹枝詞兩舉鄉賓皆辭不赴里人高之年八十一無疾而終 蘇州府志

尹一長字子德少穎異日記萬言弱冠補弟子員試輒高等屢科不售督耕課子以詞賦爲樂考終之日語人曰吾今八十年自信未嘗出一妄語入一妄錢得正寢足矣 零陵縣志

八十二歲

墨翟仕宋爲大夫外陳經典內修道術著書十篇號墨子年八十二嘆曰榮位非可長保將從赤松子遊矣乃遣謝門人精思至道想像神仙於是夜嘗聞山間有誦書聲每卧後有人以衣覆之翟乃伺之見一人問曰君非山嶽之靈乎神人曰子有仙骨志且好道故來相候於是授以素書朱英九方道靈教戒五行變化三十五卷墨子乃拜授合作遂得其効乃撰五行集五卷至漢武遣使揚遼束帛加璧以聘墨子不出視其顏色如五六十許人

列仙傳

史記註引陸賈漢春秋云三老董公八十二遂封爲成侯遂與歲通遂卽

歲也又古作

陳繼儒枕譚

申公培魯人年八十二武帝以東帛加璧安車蒲輪迎之拜大中大夫問

治亂之事

編年考

韓賢字公至八十二歲詔賢澡身浴德志節高潔年踰八十守道彌篤老

而益邵者也

編年考

熊安生阜城人博通五經專以三禮教授弟子自遠方至安生人爲國

子博士年八十二致仕編年考

香山會前侍御史內供奉官范陽盧真年八十二詩云三春已盡洛陽宮
天氣初晴景象中千朶嫩桃迎曉日萬株垂柳逐和風非論官位皆相
似及至年高已共同對酒歌聲猶極妙玩花詩思可能窮先時共作三
朝貴今日猶逢七老翁但把綠醪常酌蒲烟霞萬里會應通太平記 癸

辛雜識作八十三

香山會磁州刺史廣平劉真年八十二岫縣按太平廣記事文類聚癸

辛雜識俱作八十七今並存之

寒山子詩柳郎八十二藍嫂一十八夫婦共百年相憐情狡狴弄璋宇烏

覲擲瓦名娼嬀屢見枯陽蕙常遭青女殺全唐詩

寶禹鈞五子皆貴年八十二沐浴別親戚談笑而率五子八孫皆貴顯於

朝馮道有贈詩云燕山寶十郎教子有義方靈椿一株老丹桂五枝芳

厚德錄

盧秉奉使淮浙提舉鹽法還奏遂爲定制遷發運副使父革時年八十二
尙無恙許歲一歸觀秉乞解官終養帝數詔諭免時以爲榮弘簡錄

梁灝字太素雍熙二年試廷燎賦狀元及第年八十二謝啟云皓首窮經

少伏生之八歲青雲得路多太公之二年灝累官秘書監卒年九十餘

軾鑑類函載謝恩詩有云也知年少登科好爭柰龍頭屬老成

東坡撰樂全先生張方來文集序云公今年八十二杜門却掃終日危坐

與造物者遊於無何有之鄉淵鑑類函

張公昇字呆卿陽翟人大中祥符登進士仕至樞相八十二歲致仕歸結

庵於嵩陽紫虛谷每旦焚香讀道經庵中無長物荻簾紙帳布被草履

而已自撰滿江紅一首其詞曰無利無名無榮無辱無煩無惱夜燈前

獨歌獨酌獨吟獨笑况值群山初雪滿又明月交光好便假饒百歲

擬如何從他老知富貴誰能保知功業何時了簞瓢金玉所爭多少一

瞬光陰何足道但思行樂常不早待春來携酒帶東風眠芳草編年考

吳中元豐十老之集盧革大中大夫八十二黃挺奉議郎八十二程師孟

正議大夫集賢修撰七十七鄭方平朝散大夫七十二閻邱孝終朝議大夫七十三章嵒蘇州太守七十三徐九思朝議大夫七十三徐思閔朝議大夫七十二崇大年丞議郎七十一張閱龍圖直學士七十歲米芾元章爲之序焉蘇州府志作盧莘字仲新序曰大中大夫濮陽公冲襟爽徹淑質端靖積厚施遠父子顯榮黃挺字公操序曰奉議郎黃君素行潔修里閭標準早解簪紱仕路式瞻

李先與杜秀才詩南極多老人及見九代孫君生古瞻州氣質清且溫今年八十二頗覺行步奔白鬚映紅頰疑似羲皇人類書

元符三年八月合浦老人蘇佛兒來訪年八十二不飲酒食肉兩目爛然

自言十二歲齋居修行無妻子有兄弟三人皆持戒念道長者九十二

次者九十與論生死事頗有所知

志林

文彥博八十二累表乞致仕上詔十日一議事都堂編年考

陸務觀詩八十又過二與人風馬牛深知老當逸孰謂死方休細衲兜羅

襪奇溫古具裘閉門新炭足雪夜可無憂劍南詩鈔

龔明之字希仲躋蹠舉場以特恩廷試年已八十二法不應出官吳士在朝者列其行義薦之得監南嶽廟淳熙五年乞致仕鄉人又請之於朝遷宣教郎致仕賜五品服居崑山黃姑別墅作期頤堂日飲其間韻郡王磐字文炳永年人至元中召入翰林累乞致仕不許年八十二始遂所請卒年九十二贈太傅謚文忠嘗曰文章以自得不盜襲前人一言爲可貴鹿庵集

家鉉翁年八十二世祖賜號處士遣還鄉初世祖欲官鉉翁不受遂安置河間以春秋教授弟子數爲諸生談及興亡之故輒流涕大息至是歲乃賜歸錫與金帛皆不受編年考

至正四年袁員外來林下爲留兼旬臘月十七日快雪初霽庭無來迹與僕靜坐取琴鼓之古音蕭寥如茂松之勁風春壑之流水員外時年八十二顏貌筋力未如四五十許人爲言甫冠遭逢盛明初宰當塗過九華山道逢神人與吏食之後數數見夢寐間若冥感立遇者員外韜耀蘊真不爲人所知豈郭恕先之流歟爲賦五言一首

倪雲林詩序

鮑恂崇德人純心篤行好學能文耕桑自食受易吳徵所著有大學傳義
西漢集八十二歲洪武遣使驛召并同安吉人余銓亦年逾七十高郵
人張長年亦已暮年三人俱至上喜甚賜坐顧問退就舍一日上命三
人爲文華殿大學士力辭老不任役使上曰念卿等皆年高授此職煩
輔導東宮免卿等早朝日晏而入侍對不久當聽卿等致仕還終餘年
庶不負卿等平生所學卿等鄉里亦爲美談何爲固辭皆年老且疾辭
益力明日放還

編年考

鄭氏四老伯守中年八十二仲秉中年七十七叔則中年七十三其季敬
中亦年七十矣伯氏之子誠字文實爲吏部侍郎有名朝廷卽以其官
封守中守中膺三品之貴有命服之華上下輝映煌煌如也佳時暇日
兄弟聚於一堂披閱卷帙談論古今或命樽酒諧燕嬉則更起爲壽迭
相酬勸其諸子孫羅列左右各以序進捧觴稱慶懽懽鼓舞不知日之
夕也天下之樂莫有樂如此者

王直鄭氏四老圖序

大醫院使徐升拱宣德二年八十二歲還鄉上贈詩云大醫老卿八十餘

胸蟠千古岐黃書影含白雪面紅玉長紆錦綬鳴璫珞光華近侍今二
朝政叅和寶功業高五花鸞詔寵先世南望飛雲心孔勞歸策遂爾追
遠情吳郡松江水清冷春風花開景明麗待爾重來朝闕庭編年考

胡忠安公潏天順初年八十二休致其弟克恭克寧克誠並年踰七十蒼
頭白髮宴樂一堂扁曰壽愷一時以為異蘭莊駒陰允記

成化中韓王奏群牧所千戶朱政曾祖年一百六歲終祖全一百二歲父
鏞八十二歲見存三代皆以千戶致仕詔政鏞俱進階宣武將軍各賜
羊酒白米二石皇明盛事

顧文陞字履階青浦人嘉靖壬子舉鄉薦選醴陵令遷寧國學博致政歸
杜門養靜邑令鄧公知其賢饗以大賓年八十二忽辟穀二十餘日命
具衣冠盥漱端坐而逝初令醴陵介潔有聲丁艱就道行李蕭然士民
追送二百里外老父多垂涕者以不善事上官故改寧國學博而致歸
編年考

王靜樂先生以子濟之貴封編修越二十餘年以諭德貴再封分濟之超

拜少詹侍讀學士而先生之壽實八十有二封錫之寵盖未艾也懷麓堂集

曹憲副號定庵居鄉嚴重然仍樂易和厚濟以風雅後輩皆樂親之八十

二歲李西涯作清光八十二回圓詩來賀以其誕辰在中秋也朝賢屬

和者數人後每歲壽日即押前韻寄至晚年不與人事客至則留飲駕

字作詩有蕭然物外之意年九十而卒編年考

劉尚志字士行塋父躬壘土負石哀聲徹林谷墓木生連理枝八咸以為

孝感年八十有二子十二人若寵等兄弟皆仕宦著名學博餘清叅籙

餘璫給諫餘謨其孫也捐館之日郡人士悲泣如喪所親安慶府志

李師孔字侍泉喜施予冬夏設茶湯以濟行者歲暮焚亡者券耄年弗倦

壽登八十二鄉人稱為長者江都縣志

施顯卿著古今奇聞類紀自云八十二歲告成時萬曆四年六月也編年

劉一寰太湖人鄉飲賓壽八十二妻周氏壽九十夫婦齊眉互勗以善子

四登龔序者三安慶府志

高企字進之上海人少游邑庠垂老一無所遇天性蕭閒喜吟咏詩文高

古時探名勝八十二歲尙能躋山絕頂年八十六卒

編年考

張樞字夢辰自陳留徙家華亭築室曰讀書莊與陶南村輩唱和爲樂遇佳勝必登臨吟咏詩嬾黃初兼工行楷大爲名流所景仰八十二歲昂然愈健精神如壯時共指爲神仙云南村贈之詩幅巾短杖林和靖斗酒長篇李謫仙又云寫書竹簡枯蘇碧臨福牋藤揭硯黃又云筆勢縱橫驚雨驟文詞奇古發天鑑

編年考

陸康僖瑜尹恭簡旻李襄敏秉閔莊靖珪焦泌陽芳李恭襄燧留司寇纓聞莊靖淵俱年八十二

皇明盛事

楊厚字仲桓太初元年梁太后詔脩古禮以聘厚

古禮謂束帛加璧安車蒲輪遂辭疾

不就建和三年太后復詔徵之經四年不至年八十二卒於家策書吊祭鄉人謚曰文父門人爲立廟郡文學掾史春秋饗射常祠之後漢書

菊水出穰縣芳菊被涯水極甘香谷中皆飲此水至壽百二十七十八十者猶以爲天太尉胡廣所患風痰休沐南歸恒飲此水後痰遂瘳年八十二薨也

盛弘之荊州記

董扶字茂安綿竹人少與鄉人任安齊名俱師事楊厚學圖讖還家講授弟子自遠而至前後宰相十辟公車三徵再舉賢良方正博士有道皆稱疾不就常私謂劉焉曰京師將亂益州分野有天子氣焉遂求益州牧去官還家年八十二卒後劉備帝蜀果如扶言後漢書

魏舒字陽元魯事魏文晉武朝拜司徒年八十二卒世說

宋纖字令艾沈靜不與世交太守楊士旦畫其像於閣上出入視之作頌曰爲枕何石爲漱何流身不可見名不可求馬岌銘詩於石壁卒年八十二謚曰立虛先生晉書

何琦字萬倫克從兄養志衡門屢辟不就以述作爲事著三國評論行世年八十二卒世說

王玄謨字彥德太原人爲金紫光祿大夫孝武崩被顧命時朝政多門玄謨以嚴直不容從青巽二州刺史少帝徵之至屢表諫諍明帝卽位禮遇益隆薨年八十二謚曰莊公南史

康絢一作倓字儻有志性顛恕仕魏爲梁州刺史立庠序勸耕農敦禮尚風

俗頌年八十一卒萬姓統譜

徐則東海剡人杖策入縉雲山不娶妻常服巾褐陳太建中應召來憩於至真觀暮月又辭入天台山太傅徐陵爲之刊山八頌晉王廣鎮揚州手書召之詣揚州卒年八十二北史

饒州良牧吳府君丹字丹存求名得名家無長物澹乎自處壽八十二無室家慮無子孫憂終於饒州官舍洪容齋三筆

趙弘智早喪母事父篤孝後官至太子右庶子俸歸兄弘安不敢私弘安詰辨隨問酬悉舌無留語嘗對高宗曰天子有爭臣七人雖無道不失天下願以此獻帝悅賜絹二百名馬二匹進祭酒仍爲學士卒年八十二謚曰宣唐書

張柬之字孟將憂憤卒年八十二景龍初贈中書令謚曰文唐書

秦系字公緒會稽人隱泉州南安九日山自號東海釣客大曆五年留守薛公問其文名欲辟爲倉曹叅軍系以疾辭獻以詩云由來那敢議輕肥散髮行歌自採薇通客未能忘野興僻書令遣脫荷衣家中匹婦空

相笑池上群鷗盡欲飛更乞大賢容小隱益看愚谷有光輝年八十二
終於隱真爲高士矣

編年考

高智周累官至同中書門下三品致仕年八十二謚曰定智周始與郝
處俊來濟孫處約共依石仲覽家仲覽傾產結四人懽因請各言志處
俊曰丈夫惟無仕仕至宰相乃可智周濟如之處約曰得爲舍人在殿
中周旋吐納可也仲覽使相工視之工語石曰高之貴君不及見之來
早顯而末躡高晚顯而壽後濟居吏部處約以瀛州叅軍入調濟曰如
志擬通事舍人畢降階勞問平生既仲覽卒而濟等益顯

唐書

李匡遠性急一口不斷刑則慘然不樂嘗聞捶楚之聲則曰此一剖肉鼓
吹也臨終曰吾生平殺數十僧道以此享年八十二及塋盜發其墓斷
其四肢乃殘刑之報也

山堂肆考

張文仗字德昭和凝知貢舉進士第四人沒安撫有聲刺大原稱循卓吏
第一宋祖徵之急固辭曰泉石膏肓不能復預人間事壽八十二卒

通志

沈道虔少仁愛好老易郡州府凡三十三命皆不就有人竊其圖策者還見之乃自逃隱待竊者取足去後乃出冬月無複衣太祖令郡縣隨時資給卒年八十二宋書

陳文惠將臨終自誌其墓曰有宋潁川先生堯佐字希先年八十二不爲天官一品不爲賤卿相納祿不爲辱三著組可歸息於父母棲神之域矣事文類聚

盧革本德清人慶歷中舉神童累歷監司有聲退居於吳年八十二今盧提刑橋因其宅以名其家遂爲吳人吳郡志

韓維字持國億子歐陽修薦爲檢討累至太子少傅坐元祐黨安置均州元符元年卒年八十二南陽集抄

崇大年字靜之慶曆進士累官至承議郎賜緋魚致仕歸與程師孟諸老觴詠燕遊號吳門十老大年德守淳固志尚褻曠恬於勢利致仕十四年卒年八十二朱長文等私謚康靖先生潁州府志

崔與之有學有守屹然有大臣風與張九齡異代齊名年八十二卒理宗

贈少師謚宗獻綱鑑

司馬旦字伯康與文彥博程公珣席汝言爲同庚會賦詩繪像比唐九老

卒年八十二弘簡錄

蘇頌字子容以太子太保致仕薨年八十二輟朝贈司空富弼嘗稱爲古

君子與司馬光等稱六相弘簡錄

黃仲元字善甫咸淳中登第益王府撰述官累除皆不受宋亡改其名曰淵天叟窮居稽古深入理與年八十二卒有四書講義經史辨疑四如

文集萬姓統譜

楊大異字同伯事親孝親亡哀毀泣盡繼之以血廬墓終身有白芝白鳥

白兔之瑞事聞封至孝公賜名木植墓道以旌之卒年八十二弘簡錄

咸淳四年四月十二日容齋先生劉元剛卒於家年八十二文天祥銘曰

文彪彪德恂恂貴如華門死如齊民約而家豐面身我作銘志永懷告

人文山集

吳林清元朝以功授千戶歷官同知在任三十年廣德一路實賴以全年

八十二卒子文讓時稱忠烈

延平府志

張翥字仲譽累至河南行省平章政事致仕給全俸終其身卒年八十二仲舉長於詩初在揚州衆素聞其名爭延致之仲舉肢體昂藏行則偏竦一肩韓介玉以詩嘲之曰垂柳陰陰翠拂簷倚闌紅袖玉纖纖先生掉臂長街上十里朱樓盡下簾坐中皆失笑或曰仲舉病鶴形也時有相士曰不然此雨淋鶴耳雨霽則冲霄矣後入大都致位通顯所著有蛻庵集顧嗣立元詩選

偶桓字武孟性落拓嗜酒年少遊俠客於諸公倪瓚愛之勸令學日誦數千言試令爲詩語多警絕瓚爲延譽名大起洪武初爲荊州吏目年八十二卒列朝小傳

劉淵默師趙厚陽於金精山得其訣久之靈應洪武召至京師賜號高道寵資殊厚洪熙初封真人賜二品銀章領天下道教卒年八十二比入殮凡七日端坐如生一統志

陳燧字廷嘉永樂鄉試會試皆第一督學江西講學先行闡明周子輪轅

之說年八十二卒於家塋之夕有星隕其墓

浙江通志

閔珪字朝瑛烏程人天順甲申進士授御史忤權璫李孜省左遷以太子

太保加少保致仕年八十二謚莊懿

湖州府志

項忠字盡臣累官兵部尚書年八十二謚襄毅

西涯集

錢琦字公良正德中進士授盱眙令值流賊入境竭力戰守邑賴以全遷

臨江知府德政懋著尋請老歸教子姪相繼登科卒年八十二

謚姓統

姜博字克約南昌人嘉靖進士累官浙江僉事秉心剛直不阿附權貴鮮

組歸居家四十餘年卒年八十二祀鄉賢

淡溪姜氏實錄

林貴兆字道行號白峰團浦人領嘉靖庚子鄉薦專務窮理深慕薛文清

陳白沙之爲人而以生不同時爲恨聞郡城提學金一所先生唱道於

東徧徃從之常以心性名節相砥礪後授江西都昌令茹蘗飲水清風

兩袖時權勢當朝大小趨附公笑曰我豈能爲若作鷹犬耶即日解印

綬去行李蕭然父老泣涕留之公別以詩曰湖邊植柳維官騎柳未成

陰官已去慙慙父老莫留衣舊瓢曾掛衙前樹又云時艱無計緩征輸

一夜憂民鬢已絲唱陶南風人不和
復呈入名宦祠祀焉給事梁夢龍薦於朝公竟高卧不起著書樂道給社講約爲時砥柱者三十年鄉人化之稱爲仁厚之里年八十二無疾而終門人私謚文貞先生著書甚多

太平縣志

陳有道字子安縉安人髫年入泮有國士聲肆志詩歌而尤長於箋翰雖

耄年手不釋卷卒年八十二

處州府志

趙承謙以嶺南叅議罷歸卒年八十二劉鳳贊曰士必強毅勁直始雖不易合終必信愛親之叅議五十服官政其慮事至精然不脂韋取容余識之吏部時迄老猶故皆謂長者固誠一之所致耶當其時取顯名厚實者其所得淺深可知矣

編年考

屠大山字國望嘉靖進士知吉安府王尙書學夔子橫里中懲以法其子

折節改行尙書德之曰屠使君愛我兩賢之年八十二卒

浙江通志

祝以翮字耳劉萬曆進士知隨州多惠政力疏陳情逮養太淑人已幾百歲人稱祝孝秉憲江右視師海上尋尹舊京一於清慎少耽圖史至老

猶不廢學著述晚出卓然大雅矣卒年八十二

寧海縣志

王三接字汝康嘉靖進士授長垣令治最有聲調河東轉運使免歸居鄉

三十餘年年八十二卒

蘇州府志

李模字子木父吳滋萬曆進士歷任湖廣副使所至有政聲卒年八十七

模天啟進士爲東莞令舉卓異授御史以病歸事父依依孺慕當事式

廬稀得一見著書自娛年八十二卒

蘇州府志

徐憲卿字九亮萬曆進士歷給事疏叅李可灼罪又具朝野僉同一疏叅

忠賢罪狀及客氏奸黨側目致仕卒年八十二

蘇州府志

周天球字攻瑕性爽邁不屑世故然內行淳脩友愛弟妹親黨咸賴以舉

火感文徵明接引設像堂中歲時奉祀年八十二終不舉子以外孫爲

嗣後中萬曆丙午舉人

蘇州府志

劉曰梧字陽生南昌人萬曆進士擢御史因上瞻顧陵寢一疏得賜廟謚

識者偉之歸里年八十二卒崇祀鄉賢

西江志

吳裕號松庵鄉人宋普以事貸富人二百金爲裕所拾大書於門普至還

金以其半謝不受又張淵萬裕反楚樹下遺金百餘裕藏以待亦撿還之郡人稱為完金公年八十二

雲南通志

候肱字邦輔幼遭親喪哀毀過禮棄守贊聞其賢躬禮其廬卒年八十二

浙江通志

袁如壘號雲峰年甫弱冠補藩從事清慎勤敏考績授贛州經歷巡視聞

廣兵得衆心陞陝西峽江年方壯不就致政家居四十餘年課子孫修

譜帙立祀田勸合古法卒年八十二

富陽縣志

董其昌字玄宰華亭人自幼聰敏博學文章高雅詞賦典麗尤擅臨池書

法直追羲獻書法咄咄荆關歷官由翰林至禮部尚書加進宮保賜王

年八十一卒謚文敏臨終時一大星隕於庭

編年考

謝宗樞號忠陽東閩氏也為人謹厚以勤儉起家延師教子孫舉家耕讀

二者外無他好鄉里尊敬之太守許公虬賜匾旌其廬曰寶樹彌尊卒

之日年八十二命子孫悉焚其平日所貸之券子二人皆庠生

零陵縣志

張大夏字平甫幼負異性博通羣書早補弟子員以歲舉起家授河南司

零陵縣志

卷之二

卷之六

卷之五

謝氏

卷之五

寒風

卷之四

八十三歲

文王十五而生武王九十七而終時受命九年武王八十三矣幽譜王肅金藤注

齊桓公見麥邱人曰叟年幾何對曰臣年八十三矣公曰美哉壽也子其

以子壽祝寡人祝主君甚壽金玉是賤人民是寶云云拈而載之自御

以歸禮之於朝封之以麥邱而聽政焉列內新序

李充字大遜陳留人兄弟同居易衣而出竟日而食友愛敦厚延平中爲

博士遷左中郎將年八十三平帝時爲國三老時被進見賜以几杖編

考

慧遠遺戒曰吾昔以短命之年託業此山今年已八十三矣仰尋違離之

誨俯慨自負之心徒令此生虛謝通社高賢

何琦字萬倫養志衡門以琴書自娛公府辟命皆不就善養性年八十三

耽書典籍老而不衰編年考

天監中沙門釋寶誌爲詩曰昔年三十八今年八十三四中復有四城北

火酣酣帝使周捨封記及中大同元年同泰寺災帝啟封同見捨手迹

爲之流涕帝生於甲辰三十八尅建業之地遇災於丙寅八十三癸四

月十四日起火之始

南史

香山九老盧真侍御史內供奉年八十三

癸辭

太平廣記作八十二

王起元八十三歲赴鎮帝謂之曰卿國之耆老宰相兼內外朕有缺政飛

章以聞

編年考

鉢塔院如大師年八十三登壇秉律凡六十年白居易每歲授入關戒者

九度贈詩云百千萬劫菩提種八十三年功德林若不秉持僧行苦將

來報答佛恩深慈悲不瞬諸天眼清淨無塵凡地心每歲入關蒙九授

懸勲一戒重千金

長慶集

丞相蘭陸公蕭放清譽儉德時所推伏嘗親戎番禺有酌泉投香之譽傳

宗誕育於壬午龍飛於癸巳思命耆德佐佑大化乃自奉常起爲上相

時年八十三居台席數載汲引才俊導暢皇慈儉德既彰澆風少革及

昏於位追憚廢朝册贈加等議者曰高位重祿各有其分不然安有過

懸車之歲而命相之主始生也

唐闕史

僧懷琰皇祐中詔住京師淨因禪院召見化成殿奏對稱古號大覺禪師
仁宗皇帝與琰問答親書頌以賜之凡十有七篇四明之人相與建宸
奎閣琰歸山二十三年年八十有三徒使求東坡作宸奎閣銘坡仙集
呂猗虔州人年八十三讀書作詩不已好收古今帖貧甚至食不足齋
喬行簡八十三歲宋南渡爲左丞相乞休上告老十八疏始得榮歸編年
郭雍字子和忠孝子傳其父學隱居陝州乾道中旌召不起賜號冲晦處
士孝宗稔知其賢更封顧正先生令部使者遣官就問時年八十三矣
雍于易發明精到淳熙初學者哀集二程張載游楊及忠孝雍凡七家
爲大易粹言萬姓統譜

包天麟字仁甫咸淳間舉博學宏詞科嘗註詩書易春秋年八十三手不
釋卷二子櫟植俱登第萬姓統譜

戴復古章泉二老歌張泉之上兩山下有地可宮田可稼伯也早休官季
也相約歸林泉名動京口耕谷口山中有詩天下傳竹隱先生八十三
定庵居士七十九客從遠方來亦是六十叟手把一枝梅奉勸兩翁酒

問公何以致遐齡請翁細說吾細聽不燒丹不學仙人生一氣統四體
衆人斲喪吾能全要知養生無他術日多喫飯夜獨眠

石屏詩集

文天祥壽朱約山八十三詩八十餘翁雪滿顛深衣大帶耳垂肩磻溪回
首今三載絳縣論心又十年歸去來今真富貴美哉壽也活神仙門前
燕雀紛如雨愧我白雲深處眠

文山集

金章宗加意德行尙書省奏提刑司舉河中貢生胡光謙年八十三德行
才能尙可任用用勅召赴闕會學士院試雜文稱旨特賜進士及第蜚
至順二年春予八十三矣因病踰月不出戶有清江徐鑑來訪強起迎之
語甚久講易於觀卦諸爻遠近之義精且悉善讀易者也子年鼎盛宜
在近而觀於國余在衰髦宜在遠而觀於身所觀雖有不同其幸得遭
逢聖世一也

吳澄送徐則川北上序

慈谿羅氏五老長曰明遠年八十有三明傑明德明紀明叔迺少二三歲

宋學士集詳八十四

董倫字安常人稱貝川先生洪武徵爲贊善太子率出爲河南叅政建文

卽位召拜禮部侍郎兼翰林學士賜御書怡老堂扁及綵几玉鳩杖各一倫上表謝畧曰桓榮設几杖於太常不聞宸翰之賜晏殊題舊學於神道未見几杖之頒自今將杖以戒噎則當思四海或有飢餒之民憑几以安身則當念一物或有顛連之歎建文間屢懇言宜親睦宗人不聽靖難後倫年八十三令致仕歸家悒悒抱疾而終編年考

胡儼字若思洪熙元年加太子賓客致仕二十餘年壽八十三列朝小傳

陳敬宗字光世號憺庵慈谿人永樂進士陞南祭酒嚴立教條日勵諸生是時瞽宗之政肅於朝廷居太學二十餘載諸生多位至卿貳時北監祭酒李時勉約束諸生亦嚴世稱南陳北李景泰元年敬宗屢疏求致仕歸年八十三歲王振素慕其名欲致之門下以敬書法高假致幣求書激彼來謝所求書程子四箴敬宗走筆書之而反其幣竟不往士大夫益高其風節皇明紀畧

雷震字時亨由監生任蒲州學正勤誨生徒始終不倦出其門者多名人致仕歸年八十三以清白傳家詩詳邑志夔州府志

王濟字汝舟烏程人成化進士授主事中官怙勢濟力裁省三原王恕

重之知臨安陞貴州副使致仕三領恩詔進階年八十三潮州府志

文徵明九日雨中晤石軒詩何處登高鶴壯懷生公說法有曾臺漫修故

事携壺上不負良辰昌雨來應節紫莢聊共把待霜黃菊及時開白頭

八十三重九竹院浮生又一回虎丘山志

夏太常景王府尹賢俱八十三歲告歸編年考

崔文奎八十三歲復以少卿自陳陞本寺正卿編年考

歐陽奇字翠臺賦性仁讓行多隱德壽八十三妻蔡氏壽八十四子吉仗

義好施壽八十一婦韓氏壽八十九孫智中令中順治丙戌進士般渡志

衡山耆壽羅森年八十三鄉飲二次衡山縣志

黃文簡淮胡賓客儼劉宮保璋薛司馬遠尹文和直毛文簡紀羅文莊欽

順顧宮保應祥張恭肅潤俱年八十三皇明盛事

李尤字伯仁少以文章顯和帝時侍中賈逵薦有揚雄相如之風召拜蘭

臺令史撰漢紀卒年八十三一統志

母雅巴郡江州人學貫四科貢於朝除漢平令忠義著於奉上弘毅彰於
接下西南夷跋扈以爲夜郎太守殊俗感其惠化致仕而歸卒年八十
三萬姓統譜

常林節操清峻司馬宣王每爲之拜欲致之公輔而林遂稱疾篤拜光祿
大夫年八十三薨魏畧

張浩字叔明綱父也與譚粲李邵張霸共結爲友鄧騭辟浩稍遷至尚書
僕射拜司空卒年八十三晉書後漢書作皓年八十三卒遣使者弔
祭賜塋地於河南縣

傅隆字伯祚拜光祿大夫致仕換禮五十二事皇帝歸老在家手不釋卷
博學多通特精三禮謹於奉公常手抄書籍卒年八十三宋書

慧永何無忌鎮壽陽至虎溪請遠公及師遠公持名望從徒百餘高年華
論舉止可觀師衲衣半脰荷錫提鉢松下飄然而至無忌謂衆曰永公
清散之風乃多於遠師也師標誠植願動在安養義熙十年在疾忽歛
衣求屍欲起衆驚問師曰佛來也言終而化異香七日方歇春秋八十

三唐玄宗追謚覺寂大師實智之塔蓮社高賢傳

慧琳字抱玉卅齡受業於靈隱西峰大曆初受具足戒於靈山後居天目率多妖異而心不撓元和中裴常棣召臨天竺寺講訓生徒向二十載陸則楊憑盧元輔白居易李幼公崔郾路異公退至院致禮稽問佛法諸名公簪組上流辭學高度或號毗曇孔子或名力勝菩薩大和六年四月二十五日亡滅年八十三

武林梵志

張後胤字嗣宗甫冠以學行世其家高祖鎮太原以經授秦王後太宗賜宴月池從容問曰今日弟子何如後胤曰昔孔子門人三千達者無子男之位臣翊贊一人乃王天下計臣之功過於先聖帝爲之笑遷睦州刺史乞骸骨帝見其強力授國子祭酒永徽中致仕加金紫光祿大夫朝朔望祿賜防閣如舊卒年八十三贈尚書謚曰康陪塋昭陵魏書蒲州蔣儼年少時袁天罡相之曰子當累年幽禁後大富貴官至刺史年八十三其年八月五日祿絕後儼征遼東沒城囚於地穿高麗平定歸得官至刺史八十三矣時謂家人曰袁公謂我八月五日祿絕或其死

耶設酒與親故爲別至期果然

太平廣記

一載張景儼事年六十一十月

三十日卒今並存之

朱昂字舉之號小萬卷拜真宗朝翰林學士乞骸骨以工部侍郎致仕故
事止謝殿門上以昂進退有禮特延見命坐賜宴玉津園賦詩餞行兩
制三館皆預縉紳榮之弟協仕至雍王府贊善以醇謹著亦告老歸兄
弟皆眉壽時人比之二疏知府陳堯咨署其居曰東西致政坊率自爲
墓志年八十三門人私謚正裕先生

宋書

劉夔字道元進士歷三司至戶部侍郎少嘗遇隱者得養生術蔬食獨處
退居一閣雖家人罕見其面至老手足耳目強明如少年所收田產盡
給鄉里族黨英宗卽位加吏部侍郎前數日自作遺表告其家人如期
而卒年八十三

弘簡錄

楊時字龜山以龍圖閣直學士致仕年八十三卒謚文靖

本傳

祝確字永叔朱文公外大父也比其晚歲生理益落而好施不少衰年八
十三以終

朱子全集

楊萬里字廷秀吉水人累官至煥章閣學士卒年八十三贈光祿大夫萬里精於詩嘗著易傳行於世光宗爲書誠齋二字學者稱誠齋先生賜

謚文節

宋史

陳韓字子華開禧進士在閩屢立戰功累官至樞密副使知福州年八十

三贈少師謚忠肅

延平府志

尤煊字之孫端平初爲淮西帥以儒者守邊威惠兼濟累官工部尚書入

爲翰林學士卒年八十三自號木石

一統志

北澗居簡禪師幼見佛書必端坐默觀如病習淳祐丙午三月二十八日

索紙書偈曰吾世緣餘兩日耳至期浴罷假寐而逝壽八十三

楓林志

方惟深字子通鄉貢第一試禮部不中棄去躬耕暇則讀書每一篇出人

輒傳誦王荆公稱其清淳整絕嘗書其句於扇雖游其門無迎合意屏

居於外預知死期喪葬皆有治命年八十三有詩集

蘇州府志

姚孝錫字仲純官代州兵曹金兵入雁門諸將議以城降官屬皆畏怯投

死無路孝錫投床大斲畧不爲意家五臺善治生歲飢出家所藏粟一

萬石賑貧乏自號醉軒年八十三終著有雞肋集

萬姓統譜

張榮狀貌奇偉金末兵起率衆據濟南尋歸元授山東行尚書省兵馬都

元帥累立戰功勸止主帥殺戮治績爲天下第一卒年八十三封齊南

公萬姓統譜

陳櫟字奉翁宋亡科舉廢以爲聖門惟朱氏之學爲最乃著四書禮記集

義等書延祐開科有司強之中選不赴禮部閉戶不出吳草廬亟稱之

凡江東之士就學於澄悉遣而歸櫟人稱定宇先生卒年八十三

定宇集

徐弘道修真端石山年八十三沐浴更衣書頌而蛻有不離本性卽神仙

之句弟子卽丁野鶴也

紫陽通院志

張昱字光弼楊左承用爲樞密院判官左承死棄官不出張氏禮致不屈

策其必敗題焦葉以寓志明太祖徵至京問其老曰可閒矣厚賜遣還

自號可閒老人年八十三終列朝小傳

劉愚字必明幼警敏力學弱冠入太學釋褐第一授安鄉縣令會歲歉出

常平倉米賑貸以脩荒諸司交薦不樂仕進遂致仕結廬城南蕭然自

適其妻亦清白相厲一日持數金歸妻不悅愚曰此門生俸資乃悅閒居三十年著述不輟年八十三卒藝文志

劉訖字桂翁爲文根抵六經躡蹠諸子四方求詩文者踵其門著有桂隱

集卒年八十三謚文敏

續弘簡錄

吳簡字仲廉元末舉於鄉不利遂杜門積學洪武初召至京以疾辭歸優

游林泉自號月潭居士年八十三卒著有論語提要史學提綱蘇州府

黃淮字宗務

一作豫

洪武進士累官至武英殿大學士以疾致仕宣德中來

朝特命耆會試得人甚多年八十三謚文簡

萬姓統譜

王驥字尚德永樂進士給事中持正不撓累官兵部尚書率兵勦賊西陲

屢立戰功封靖遠伯卒年八十三謚忠毅爲人兼資文武遇事敢爲以

身殉國望重士林

萬姓統譜

王徽字尚父江浦人以戎籍入府學天順進士授給事中疏上五事極言

古今宦豎之害因言牛玉册后一事致累聖德因及大臣失職大觸時忌出謫普安判官滿考不仕弘治初薦起爲叅議乞致仕歸杜門公卿

過從不荅卒年八十三萬姓統譜

劉璋字廷信南平人天順進士歷山東布政參政陞巡撫累官至工尙

乞休士大夫推重焉卒年八十三延平府志

謝遷字子喬成化乙未進士及第第一累官至太子太保禮部尙書武英

殿太學士卒年八十三贈太傅謚文正萬姓統譜

石田先生沈周年八十三卒著有石田稿蘇州府志

羅欽順字允升弘治及第編修自居學古樓潛心格致之學專力於窮理

存心知性初由釋氏入既悟其非乃力排之爲著困知記自號整庵年

八十三謚文莊明史稿

龍光字冲虛因子履祥以見陽明習爲叅謀會宸濠反出入帷幄密授方

畧濠既擒論功授滁州判官卒年八十三豫章書

劉文敏字宜充自幼樸實不知世有機穢事已讀傳習錄而好之凡所言

與聶雙江聶豹字文蔚合相視莫逆人謂雙江得先生而不孤年八十三卒

明儒學案

陳嘉謨字世顯與王時槐同年進士俱師劉文敏爲給事不附嚴嵩出之外歷湖廣叅政歸休在林下三十餘年八十三而卒及門者嘗告之曰有塘南在可往師之塘南時槐別號也

明史稿

蔡潮字巨源台州人弘治會魁襟度弘曠凡可以利人濟物者爲之無遺

力年八十三卒著有霞山集

通志

許穀字仲貽官尚寶卿罷歸盛年巖居三十年不通一字於政府日以賦咏自娛所得賣文錢投竹簞中客至取之沽酒酣暢窮日月不倦年八十有三自爲行述甫三日無疾而逝列朝小傳

孫懋字德夫慈谿人由進士令浦城斷獄明審興革宜民當道薦爲八閩縣令第一召拜給事中犯顏取諫累至廣西按察使年七十即引歸蕭然環堵讀書其中人望之若神仙云年八十三卒

寧波府志

張輔之字爾贊大倉人萬歷進士歷給事上疏請御朝講切中時弊在兵垣凡歷三大征區畫事宜悉中窾要天啟甲子魏瑞用事連疏乞休鄉里卒年八十三加宮保予祭葬特祠崇祀鄉賢

蘇州府志

朱熙洽字鴻甫萬曆進士累官叅議副使皆以清嚴著才識練達嘗曰吾
三曰不視事則神不凝一日課數十事則手足矜奮腰膂有力故艾年
服官至老不倦皆晚成之效也年八十三卒蘇州府志

陸枝號培梧常熟人萬曆舉人選桐鄉縣廉平爲天下最陞彞陵知州闢
瓜牙吏恣爲奸利枝率州民追而沉之闔不敢問州民勒碑記之致仕
以孝友爲鄉人矜式者殆二十年年八十三卒蘇州府志

熊應楨將樂人好方書善願養嘗蓄藥拯貧修橋施渡人以長者目之悠
悠山水間年八十三卒子能繼述有父風孫遊庠序人以爲盛德之報
云延平府志

張懷陽綿竹人雲遊至黃平州黃冠野服有道術未幾入山披剃淨修年
餘移居寶珠寺有卧病告者卽知生死可療者予以藥不可療者雖百
計懇求終不與藥人咸異之自捐數百金修寶珠寺未嘗募化盖知黃
白術但人求之絕口不得年八十三將卒前三日謂門弟子曰某日某
時吾當逝矣至期談笑而終貴州通志

易嘉萃字懷屏雅量寬洪與人無競讓產諸弟覃恩九族盜魚行君子也
高年矍鑠康莊如五十許人一日謂妻裴氏曰明日重九吾當去汝溼
數日亦來吾且先行天上差樂不苦也果于次日沐浴端坐而逝年八
十三裴氏於十三日亦無疾而終年八十一髦髻偕老白首同歸遠近
傳誦

忠愍家傳

林道飛以名醫官本省太醫著有濟世良方病者投劑立効尤好施年八
十三卒

延平府志

黃宏憲字文甫崇禎朝以訪入曆局與上海徐相國光啟計正曆法常進
儀器上撤御膳加銜卒年八十三

浙江通志

楊胤昌字蘭似負異敏工文藝弱冠補弟子員孝親篤友年八十有三著
有閒吟草文行兼優

安慶府志

洪夢岐字德鳳入郡庠居首待諸姪如己子家饒裕慷慨好施以是驟貧
年八十三終于家凡隣里庄佃經紀人聞之者無不流涕子日慶天慶
以孝友世其家

臨海縣志

高綱字子尚素行端謹勿業儒會繼母病遂棄舉子業一意侍養雖蓬暮
孺子慕不衰鄉邦以孝稱居平嚴于庭課壽八十三有子七人伯子鈿
薦乙卯鄉書其孫皆補博士員郡守敦舉鄉賓有孝友之舉已見重于
鄉評齒德之尊自宜從乎輿論

零陵縣志

歐湖號龍田繼修之父也賦予淳厚好善樂施其天性也日行陰德常不
令人知至老亦不語人然其顯者已足可傳矣家不踰中人產有貧乏
者告以故輒予之其酬與不酬勿計也凡視園扉之人赭衣縷縷無食
者與之食冬月予以絮歲以爲常晚得一子卽繼修也教以詩書登天
啟丁卯賢書歷官至廣西副使公年八十三乃卒曾立異代蒸蒸未艾
蓋公之盛慶也

零陵縣志

